

ዒዘራ ማፃኣፖ ዓይያ ካሮ

ዒዘራ ማፃኣፖ ያኑሲ ዓሶ ሃይሶ ኬኤዛ ላምዖ ማፃኣፖንህ ሄሌያ ማዓዖ፣ ኬኤዛ ሃይሳ ዳውሲንቲ ዴንዲ ዓኣ ዓይሁዶ ዓሶኮ ዛላ ዓሲ ባብሎኔ ዓጫፓ ማዕሚና ዩሩሳላሜይዳ ዓሲኮ ናንጊናታ ያኑሲ ካኣሽከሢንታ ዛላ ጊንህ ዓካሶናያ ማዕሚኬ፤ ዩይ ሃይሳ ፓቁንቴህ ሃካፓ ዴማ ዓኣ ጎይያኬ፡-

1. ባብሎኔይዳ ዳውሲንቲ ዴንዲ ዓኣ ዓይሁዶ ዓሶፓ ካኣቲ ቁኢሮሴ ዓይህም ቤርታዲ ማዕ ዓሶ

2. ጌኤዡ ማኣሮ ጊንህ ዓካሲ ማዶ ዓርቆናሚና ያኑሲ ካኣሽኪያ ዩሩሳላሜይዳ ዓርቆናሚ

3. ሚርጌ ሌዔኮ ጊንፃፓ ያኑሲኮ ዋጎ ዔራ፣ ዒዘራ ዓይሁዶ ዓሶ ዩሩሳላሜ ዔኪ ሙኬህ፤ ዩይ ዒዘራ ዒሲራዔኤሌ ዓሳ ያኑሲም ማዶ ማዶ ቤርታኣሲጉዲ ማሃኒና ዴራ ፔኤኮ ፔቱሞና ናንጋ ናንጎዋ ጊንህ ደዲሻንዳጉዲ ማኣዴ።

ማፃኣፔላ ዲማ ዲማ ዓርቁ ባኮ

ዲዒንታፓ ቤርታሲ ማዕ ዓሶ (1:1—2:70)

ጌኤዡ ማኣሮ ዓካሶናሚንታ ማዶማኣ ጊኢጊሻናሚ (3:1—6:22)

ዒዘራና ዋላ ዲዒንታፓ ማዕ ዓሶ (7:1—10:44)

ዓይሁዶ ዓሳ ፔ ዓጮ ማዓንዳጉዲ ቁኢሮሴ ዓይህህ

1 ናንጊና ናንጋ ጎዳ ፔ ማሊያ ኬኤዛ ዔርሚያሴ ዛሎና ቤርታ ኬኤዜ ሎንሆ ቃኣሎ ፓርሴ ዓሚ ቁኢሮሴ ካኣታዳ ቤርታሳ ሌዖና ጌይንቴህጉዲ ማዶ ኩንህኔ፤ ዋዎይይ ጌዔቴ፡- ናንጊና ናንጋ ጎዳ ቁኢሮሴ ፔኤሮ ዔቁሲ ሃካፓ ዴማ ዓኣ ዓይህያ ፃኣፒሲ ዓጮ ቢያይዳ ናባቢሴ።

2 ፓርሴ ካኣቲ ፃኣፒ ዓይህ ባካ፡- «ናንጊና ናንጋ ጎዳ ማዕ ጫሪንጮኮ ያኣዛሚ ዓጮ ቢያ ታኣኒ ዋይህንዳጉዲ ማህኔ፤ ዒዚ ፔ ካኣሽኪንታንዳ ጌኤሽ ማኣሪ ዪሁዳ ዓጮኮ ዩሩሳላሜይዳ ታኣኒ ማዡንዳጉዲ ታና ዓይህኔ። 3 ዓካሪ ዒንህ ባኣካፓ ናንጊና ናንጋ ጎዳ ዴራ ማዕ ዓሲ ጉቤ ያኑሲ ዒዛና ዋላ ማዖንጎ! ዪሁዳይዳ ዓኣ ዩሩሳላሜ ዴንዲፓፓ ዒኢካ ናንጋ ያኣዛሚም፡ ናንጊና ናንጋ

ጎዳ ማዕዳ ዒሰራዔኤሌ ያከዛሂሞ ጌኤሺ ማኣሪ ማዦንጎ። 4 ያኦሲ ደርታዖ ዳውሲንቲ ዳንዲ ዓኣዘንሂ ፔ ዓጮ ማዓ ዎደና ዒያቶና ዎላ ናንጌ ዓሳ ቢራንታ ዎርቁንታ ዓይጎ ማህታቶዎ ጫኣና ጫኣና ቆልሞዎ ማዖም ዒንጊ ማኣደንጎ፤ ዩይ ባካ ዩሩሳላሜይዳ ዓኣ ጌኤዢ ማኣሪም ፔ ሽኔና ዒያታ ዒንጋሂዳ ቃሲሂ ማዖንጎ» ጋዒያኩ።

5 ዩካፓ ዩሁዳና ቢኢኒያሜና ፃጶኮ ሱኡጎንታ ቁኤሶንታ ለዎ ዓሰንታ፤ ዩያጉዲ ሃሃ ያኦሲ ዒቁሴ ሜሌ ዓሲ ቢያ ማዒ ዳንዳኒና ዩሩሳላሜይዳ ዓኣ ናንጊና ናንጋ ጎዳኮ ጌኤዢ ማኣሪ ጊንህ ዓካሲ ማዦንጊ ጊኢጊንቲ። 6 ዔያቶኮ ዓሸና ቢራ ዓንጊና ዎርቁናይዳፓ ኮሺንቲ ማህ፣ ጋላም ማዓንዳ ሚኢሼንታ ዒኤቢ ጫኣናንዳ ቆልሞንታ ሜሌ ኮይሳያ ማዕዳ ዒንጊንታ ባኣዚና ጌኤዢ ማኣሪይዳ ዒንጊሂ ማዒ ሺኢካ ባኣዚ ቢያ ዒንጊ ዒያቶ ማኣዳ።

7 ዩያ ሌለቱዎንቲ ሚና ቤርታ ካኣቲ ናብካዳናዖኦሪ ዩሩሳላሜይዳ ዓኣ ጌኤዢ ማኣሪፓ ቡሪ ዒኪ ፔኤኮ ካኣሽኮ ያኦዞ ማኣሪ ጌህ ሀዦ ሀሽኮ ዓንጎንታ ጌኤዢ ማኣሪ ሚሆዎ ማህ ቁኢርሴ ዒያቶም ዒንጌ። 8 ዩንሂ ዲማዴ ጌኤዢ ማኣሪ ሚሆንሂ ማትሬዳቲ ጌይንታ ጌኤዢ ማኣሪ ሚሆ ጌሃ ኬኤዖኮ ሱኡጋሂና ፓይዲሲ ዩሁዳና ጫኣ ዎይህ ሽሽባፃሬም ቁኢርሴ ዒንጌ፤ 9-10 ዩያ ሚሆኮ ፓይዳ ሃካፓ ዴማ ዓኣ ጎይዖኩ፡-

- ዒንጎ ባኮ ዒኮያ ማዓንዳ ዎርቁፓ ኮሺንቲ ሳኣኔ ሃይሂታሚ
- ዒንጎ ባኮ ዒኮያ ማዓንዳ ቢራ ዓንጊዳፓ ኮሺንቲ ሳኣኔ ፔቲ ሺያ
- ዲማ ዲማ ዓፓር ላማታሚ ታዙጳ
- ዎርቁይዳፓ ኮሺንቲ ዔቲ ሳኣኔ ሃይሂታሚ
- ቢራ ዓንጊዳፓ ኮሺንቲ ዔቲ ሳኣኔ ዖይዶ ጄኤታና ታጳ
- ሜሌ ሃሃ ዲማ ዲማ ማህ ፔቲ ሺያ

11 ሽሽባፃሬ ሃንጎ ዲዒንታፓ ማዕዳ ዓሶና ዎላ ባብሎኔፓ ዩሩሳላሜ ማዕዳ ዎደና ዒኪ ሙኩ ቢር ዓንጎና ዎርቁናይዳፓ ኮሺንቲ ሚሆንታ ሜሌ ሚሆኮዎ ሚርጉማ ደንጎ ሺያና ዖይዶ ጄኤታናኩ።

2

ዲዒንቶይዳፓ ፔ ዓጮ ማዕዳ ዒሰራዔኤሌ ዓሶ (ኔሄ. 7:4-73)

1 ባብሎኔ ካኣቲ ናብካዳናዖኦሪ ዲዒ ዒኪ ባብሎኔ ዓኣዴ ዓሶይዳፓ ፔኤኮ ካታም ካታም፣ ዩሩሳላሜና ዩሁዳና ማዒ ሙኩ ዓሶኮ ፓይዳ ያዲኩ፡- 2 ዩያቶ ዲዒንታፓ ማዕዳ ዓሶኮ ሱኡጎ ማዒ ዒኪ ሙኩ ዓሳ ዜሬባቡሌ፣ ዒያሱ፣ ኔሄሚያ፣ ሴራያ፣ ሬዒላያ፣

ሜርዳኪዮስ፥ ቢልሻኔ፥ ሚሰፓሬ፥ ቢግዋዬ፥ ሬሀሚንታ ቤዓና ጌይንታዞንሢኬ። ፔቴ ፔቴ ዒሰራዔኤሌ ዓሶ ቶኦካፓ ቡኪንቴ ዓጮ ባንሢ ማዔ ዓሶኮ ፓይዳ ሃካፓ ዴማ ዓኣ ጎይዮኬ፡-

3-20 ፓርዖሼ ፃጳፓ ላምዖ ሺያና ጄኤታና ላንካይታሚ ላምዖ ዓሲ ሼፓዲያ ፃጳፓ ሃይሃ ጄኤታና ላንካይታሚ ላምዖ ዓሲ ዓራሃ ፃጳፓ ላንካይ ጄኤታና ላንካይታሚ ዶንጎ ዓሲ ፓሃትሞዓኣቤ ፃጳፓ ዒያሱና ዒዮዓቤና ዜርፃፓ ላምዖ ሺያና ሳሊ ጄኤታና ታጳ ላምዖ ዓሲ

ዔላኣሚ ፃጳፓ ፔቴ ሺያና ላምዖ ጄኤታና ዶንጊታሚ ዖይዶ ዓሲ ዛቴ ፃጳፓ ታዘጳ ጄኤታና ዖይዲታሚ ዶንጎ ዓሲ ዛካዬ ፃጳፓ ላንካይ ጄኤታና ላሂታሚ ዓሲ ባኒ ፃጳፓ ላሆ ጄኤታና ዖይዲታሚ ላምዖ ዓሲ ቤባዬ ፃጳፓ ላሆ ጄኤታና ላማታሚ ሃይሃ ዓሲ ዓዝጋኣዴ ፃጳፓ ሺያና ላምዖ ጄኤታና ላማታሚ ላምዖ ዓሲ ዓዶኒቃሚ ፃጳፓ ላሆ ጄኤታና ላሂታሚ ላሆ ዓሲ ቢግዋዬ ፃጳፓ ላምዖ ሺያና ዶንጊታሚ ላሆ ዓሲ ዓዲኔ ፃጳፓ ዖይዶ ጄኤታና ዶንጊታሚ ዖይዶ ዓሲ ሂዘቁያሴ ዛሎና ዓጄሬ ፃጳፓ ታዘጲታሚ ሳሊ ዓሲ ቤፃዬ ፃጳፓ ሃይሃ ጄኤታና ላማታሚ ሃይሃ ዓሲ ዮራ ፃጳፓ ጄኤታና ታጳ ላምዖ ዓሲ ሃሹሚ ፃጳፓ ላምዖ ጄኤታና ላማታሚ ሃይሃ ዓሲ ጊባሬ ፃጳፓ ታዘጲታሚ ዶንጎ ዓሲ

21-35 ዬያ ዲዒንታፓ ማዔ ዓሶ ባኣካፓ ዲማና ዔያቶኮ ቤርታኣ ዓዶንሢ ሃካፓ ዴማ ዓኣ ካታሞይዳ ናንጌ ዓሶኮ ፓይዳ ያዲኬ፡- ቤኤቴሌሃሚይዳ ሾይንቴ ዓሳ ጄኤታና ላማታሚ ሃይሃ ኔዖፓይዳ ሾይንቴ ዓሳ ዶንጊታሚ ላሆ ዓናቶቴይዳ ሾይንቴ ዓሳ ጄኤታና ላማታሚ ሳሊ ዓዝማዌቴይዳ ሾይንቴ ዓሳ ዖይዲታሚ ላምዖ ቁርያትይዳሪሚ፥ ኬፕራና ቤዔርቴናይዳ ሾይንቴ ዓሳ ላንካይ ጄኤታና ዖይዲታሚ ሃይሃ ራማና ጌባዔናይዳ ሾይንቴ ዓሳ ላሆ ጄኤታና ላማታሚ ፔቴ ሚክማሴይዳ ሾይንቴ ዓሳ ጄኤታና ላማታሚ ላምዖ ቤኤቴኤሌና ዓይናይዳ ሾይንቴ ዓሳ ላምዖ ጄኤታና ላማታሚ ሃይሃ

ኔቦይዳ ሾይንቴ ዓሳ ዶንጊታሚ ላምዖ ማግቢሼይዳ ሾይንቴ ዓሳ ጄኤታና ዶንጊታሚ ላሆ

ባሳ ዔላኣሚይዳ ሾይንቴ ዓሳ ፔቴ ሺያና ላምዎ ጃኤታና ደንጊታሚ ያይዶ

ሃሪሚይዳ ሾይንቴ ዓሳ ሃይሃ ጃኤታና ላማታሚ

ሎዴ፡ ሃዲዴና ያኖናይዳ ሾይንቴ ዓሳ ላንካይ ጃኤታና ላማታሚ ደንሳ

ዒያርኮይዳ ሾይንቴ ዓሳ ሃይሃ ጃኤታና ያይዲታሚ ደንሳ

ሴናዓይዳ ሾይንቴ ዓሳ ሃይሃ ሺያና ላሆ ጃኤታና ሃይሢታሚ

36-39 ሃካፓ ደማ ሃሣ ዲዒንታፓ ማዔ ቁኤሶ ማኣሮ ዓሶ ፓይዶ

ከኤዛኔ፡-

ዒያሱ ዜርፃሢ፡ ዩዳዒያ ማኣሮ ዓሶፓ ታዘጳ ጃኤታና ላንካይታሚ ሃይሃ

ዒሜሬ ማኣሮ ዓሶፓ ፔቴ ሺያና ደንጊታሚ ላምዎ

ፓሽሁሬ ማኣሮ ዓሶፓ ፔቴ ሺያና ላምዎ ጃኤታና ያይዲታሚ ላንካይ

ሃሪሚ ማኣሮ ዓሶፓ ፔቴ ሺያና ታጳ ላንካይ ዓሲ

40-42 ዲዒንቶ ቤዛፓ ማዔ ሌዊ ማኣሮ ዓሶኮ ፓይዳ ሃካፓ ደማ

ዓኣ ጎይዖኬ፡-

ሆዳውያ ዜርዖ ማዔ ዒያሱንታ ቃድሚዔጌንታ ማኣሮ ዓሳ ላንካይታሚ ያይዶ

ዓሳኣፔ ዜርዖ ማዔ፡ ጌኤዡ ማኣሮይዳ ያኣሲ ቦንቾ ዓይኑሞ ዓይናዳ ዓሶኮ ሚርጉማ ፔቴ ጃኤታና ላማታሚ ሳሊ

ጌኤዡ ማኣሮ ካፓ ሻሉሜ፡ ዓጼሬ፡ ፃልሞኔ፡

ዓቁቤ፡ ሃዲፃንታ ሾባዬ ዜርፃፓ ፔቴ ጃኤታና ሃይሢታሚ ታዘጳ

43-54 ዲዒንታፓ ማዔ፡ ጌኤዡ ማኣሮ ማዶም ከሶና ቶኣካ ሃካፓ

ደማ ዓኣ ዓሶኬ፡-

ዒሃ፡ ሃሱፓ፡ ፃባዖቴ፡

ቁርሴ፡ ሲዓሃ፡ ፓዶኔ፡

ሌባና፡ ሃጋባ፡ ዓቁቤ፡

ሃጋባ፡ ሻሞላዬ፡ ሃናኔ፡

ጊዴሌ፡ ጋሃሬ፡ ሬዓያ፡

ሬዒኔ፡ ኔቆዳ፡ ጋዛሜ፡

ዑዛ፡ ፓሴሄ፡ ቤሳዬ፡

ዓሲና፡ ሜዑኒሜ፡ ኔፕሲሜ፡

ባቅቡቁ፡ ሃቁፓ፡ ሃርሁሬ፡

ባዒሉቴ፡ ሜሂዳ፡ ሃርሻ፡

ባርቆሴ፡ ሲሳራ፡ ቴማሄ፡

ኔዒሃና ሃዒፓናኬ።

55-57 ሴሎሞንም ማዳ ዓሶ ፃጶታፖ ዲዒንታፓ ማዔ ቶኦካ፡-
 ሶፃዬ፡ ሃሶፔሬቴ፡ ፔሩዳ፡
 ያዕላ፡ ዳርቆኔ፡ ጌዳሌ፡
 ሼፓዲያ፡ ሃዲሌ፡ ፖኸሬቴ፡
 ሃፄባይሜና ዓሚ ጌይንታዞንሢኬ።

58 ጌኤዡ ማኣሮ ማዳም ኬሶና ፃጶና ሴሎሞንም ማዳ ዓሶ ዜርፃ
 ዋሊ ዑፃ ሃይሃ ፄኤታና ታዞጲታሚ ላምፖ ዓሲኬ።

59-60 ቴልሚላሃ፡ ቴልሃርሻ፡ ከሩቤ፡ ዓዳኔና ዒሚሬ ጌይንታ
 ካታሞንሢዳፓ ማዒ ሙኬ ዓሲ ዓኣኔ፤ ጋዓንቴ ዒያቶኮ ዜርፃ
 ዒሰራዔኤሌ ቶኦካፓ ማዒፃ ፒዚሲ ከኤዛኒ ዒያታ ዳንዳዒባኣሴ።
 ሜሌ ሃሣ ዳላያንታ ያቢያንታ ኔቆዳ ፃጶ ቶኦካፓ ማዒ ሙኬ ላሆ
 ፄኤታና ደንጊታሚ ላምፖ ዓሲያኣ ዓኣኔ፤

61-62 ሃካፓ ዳማ ቄኤሶ ፃጶ ማዒዞንሢሃ ሃባያ፡ ሃቆፄና ባርዚላዬና
 ዒያቶኮ ቤርታኣ ዓደንሢሃ ያናንሢታቴያ ዒርቴባኣሢሃር ዒያታ ቄኤሴ
 ማዒ ማዳኒ ዳንዳዒባኣሴ። [ባርዚላዬ ጎሥሢ ጌሌዓዴይዳ ሸይንቴ
 ባርዚላዬ ፃጶፓ ፔቴ ላኣሊ ዒካፖ ዬኖ ሱንያና ዒኤሊንቴኔ።]

63 ዑሪሚና ቱሚሚ ጎሶ ባኮንሢሃና ናንጊና ናንጋ ጎዳ ዓይጎ ጋዓቴያ
 ያኦጫኒ ዳንዳዓ ቄኤሴ ከሰካንዳያ ሄላንዳኣና ያኦሲም ሺኢሺንታ
 ዲማዳ ሙፖ ዒያታ ሙዑዋጉዲ ዓጮ ዋይሣ ዓሢ ዒያቶ ላኣኔኔ።

64-67 ዓካሪ ዬያ ጎይያና ዲዒንታፓ ማዒ ዓሶኮ ሚርጉማ ዋሊ ዑፃ
 ያይዲታሚ ላምፖ ሺያና ሃይሃ ፄኤታና ላሃታሚናኬ።

ዬያ ዓሶፓ ማዳ ማዳ ዓቲንቆና ላኣሎናኮ ሚርጉማ ላንካይ ሺያና
 ሃይሃ ፄኤታና ሃይሢታሚ ላንካይ ማዒዛ፡ ዓቲንቆና ላኣሎና ማዒ
 ያኦሲ ቦንቾም ዓይኑም ዓይናዳ ዓሳ ዋሊ ዑፃ ላምፖ ፄኤታኬ።

ዬያ ዲዒንታፓ ማዒ ዓሶኮ፡- ላንካይ ፄኤታና ሃይሢታሚ ላሆ
 ፓራ፡ ላምፖ ፄኤታና ያይዲታሚ ደንጎ ባቁሎ፡ ያይደ ፄኤታና
 ሃይሢታሚ ደንጎ ጋኣሎንታ ላሆ ሺያና ላንካይ ፄኤታና ላማታሚ
 ሃሬንታ ዓኣኔ።

68 ዬና ዲዒንቴ ዓሳ ዲዒንታፓ ማዒ ዬሩሳላሚይዳ ናንጊና ናንጋ
 ጎዳኮ ጌኤዡ ማኣራ ዓኣ ቤዞ ሄላዛ ፔቴ ፔቴ ማኣሮ ዓሶኮ ሱኡጋ
 ጌኤዡ ማኣራ ቤርታ ዓኣ ቤዛ ማዓንዳጉዲ ላሚ ጊንሣ ማዡያም
 ማዓንዳያ ፔ ሸኔና ዒንጎ ባኣዚ ዒከ ሺኢሺኔ። 69 ዒያታ ጌኤዡ
 ማኣሮ ማዳ ማዳንዶ ባኣዚ ዳንዳዓ ጎይያና ከሲ ቡኩሴ ዒንጊፃ
 ዋሊ ዑፃ ማሆዛ ደንጎ ፄኤታ ከሎ ዋርቄ፡ ላምፖ ሺያና ላንካይ

2:63 2:63 ፓይ. ማፃ 29:12-38።

ጭኦታና ሳሊታሚ ላሆ ኪሎ ቢራ ማዕኔ፤ ቁኤሶም ማዕያ ጭኦታ ማኣዖ ዔያታ ዒንጌኔ።

70 ቁኤሶንታ ለዊ ዓሶንታ ደርይዳፓኣ ፔቲ ፔቲ ዓሳ ዩሩሳላሚና ኮይሎናይዳ ዲንኪ ደዔኔ፤ ገንሣ ሃሣ ዓይኑም ዓይናዳ ዓሳ፣ ጌኤዠ ማኣሮ ካፓ ዓሶንታ ጌኤዠ ማኣሮ ሹጮና ማዠንዳጉዲ ጌይንቲ ማዶ ዓሶንታ ኮይላ ኮይላ ዓኣ ካታማ ደዔኔ፤ ዩያጉዲ ሃንጎ ዒሰራዔኤሌ ዓሳ ዔያቶኮ ቤርታኣ ዓደንሣ ናንጌ ካታማ ደዔኔ።

3

ፆኦሲ ካኣሸኪፆ ዳምባ ገንሣ ዓርቁንቲሣ

1 ለንካሳ ዓገረናና ዒሰራዔኤሌ ደራ ጉቤ ፔኤኮ ደዓኒ ዓርቁ ካታማ ካታማ ገእገንቲ ደዔሰካፓ ቢያሣ ዩሩሳላሚይዳ ቡኪንቲኔ፤

2 ዓማና ዒዮጭዳቁ ናኣዚ ዒያሱ ዒዛኮ ዒገረና ማዕ ቁኤሶንታ ሳላቲያሌ ናኣዚ ዜሬባቡሌያ ፔኤኮ ዒገረናና ዋላ ናንገና ናንጋ ጎዳ ማዕ ዒሰራዔኤሌ ፆኦዛሣም ዒንጎ ባኮ ሺኢሾ ቤዞ ገንሣ ኮሹኔ፤ ፆኦሲ ዓሣ ሙሴ ዔርዜ ዋጎ ማፃኣፖይዳ ፃኣፒንቲ ዳምቦ ጎይፆ ዒኢካ ዒንጎ ባኮ ሺኢሾ ቤዞ 0-ፀ ሚቺ ዒንጎ ዒንገይፆ ዔያታ ዒንጋኒ ደንዳዔኔ። 3 ዩና ደዒንቶ ቤዛፓ ማዕ ዓሳ ዒማና ዒኢካ ዓጫ ናንጋ ማሌ ደራ ዔያቶ ማኪ ዒፃያ ማዕሣሮ ዒገጠዎታቲያ ፆኦሲም ዒንጎ ባኮ ሺኢሾ ቤዞ ቤርታ ኮሾና ቤዛ ማሃ ገንሣ ኮሹኔ፤ ዩካፓ ሚቺ ዒንጎ ዒንገይፆ ጉቲና ዒባኒና ቢያ ኬላ ገንሣ ሺኢሺሣ ዓርቁኔ።

4 ዋጋ ዓይሣሣ ጎይፆ ወልሾ ደማ ደዒ ቦንቾ ቦንቾዋ ዔያታ ቦንቹኔ፤ ሃሣ ኬላ ኬላ ዒንገንታንዳጉዲ ማለንቲ ዒንገይፆዋ ሺኢሺኔ፤ 5 ቃሲ ሃሣ ቢያ ኬላ ኬላ ጉቤና ሚቺንቲ ዒንገንታ ዒንገይፆ፣ ዓገረና ጭሮ ቦንቾንታ ጎዳም ደማደጄ ማሌ ቦንቾ ኬሎንታም ዒንገንታ ዒንገይፆና ዓሳ ፔ ሹኔና ዒንጋ ዒንገይፆ ማሌ ዒንጎ ባኮና ዋላ ሺኢሺኔ።

6 ዓማና ደራ ሃጊ ጌኤዠ ማኣሮ ሹጮና ማዠ ዓርቁባኣቲያ ለንካሳ ዓገረና ጭራ ቤርታሳ ኬሎና ናንገና ናንጋ ጎዳም ሚቺ ዒንጎ ዒንገይፆ ዒንገሣ ዓርቁኔ።

ጌኤዠ ማኣሮ ሹጮና ማዠፆ ገንሣ ዓርቆናሣ

7 ዩያጉዲ ሃሣ ደራ ሹጮና ማኣሮ ማዠ ዓሶና ሚፆና ማዠ ዓሶናም ጨጎ ሚኢሾ ዒንጌኔ፤ ለባሎኦሴ ዓጫፓ ደኤሎ ዚቢቆ

2:70 2:70 1ፆኦሲ. ዓሃኬ 9:2፤ ኔሄ. 11:3። 3:2 3:2 ኬሲ. ማፃ 27:1። 3:3 3:3 ፓይ. ማፃ 28:1-8። 3:4 3:4 ፓይ. ማፃ 29:12-38። 3:5 3:5 ፓይ. ማፃ 28:11—29:39።

ቲቂ ዒዮጵ ባዘ ዓጮና ጌይሲ ዔያቶም ዳካንዳጉዲ ዲሮሴና ሲደና ካታማ ናንጋ ዓሶም ሙኡዚንታ ዑሺንታ ሪሚታፓ ኮሾ ዛይቶዋ ዳኬኔ፤ ዬይ ቢያ ማዲንቲሢ ፓርሴ ካኣቲ ዲሮሴ ዔያቶ ዓይሢ ጎይፆናኬ።⁸ ዬያሮ ዬሩሳላሚይዳ ፆኦሲኮ ጌኤዢ ማኣራ ማዢንቲ ዓኣ ቤዘ ዔያታ ሄሌ ላምዓሳ ሌዖኮ ላምዓሳ ዓጊኖና ማዲ ዔያታ ዓርቄኔ፤ ዔያቶና ዋላ ዲዒንቶይዳፓ ማዒ ዬሩሳላሚ ሙኡኬ ዜሬባቡሌንታ ዒያሶንታ ማሌ ሃሣ ዔያቶኮ ዓጮ ናኣቶንታ ቄኤሶንታ ሌዊ ዓሶንታ ቢያ ዔያቶና ዋላ ማዲኔ። ሌዓ ላማታሚና ዬካፓ ዑሣ ማዔ ሌዊ ዓሳ ቢያ ጌኤዢ ማኣሮ ሹጮና ማዢ ማዲኮ ሱኡጌ ማዒ ጌሢንቲኔ።⁹ ዒማና ሌዊ ዓሣ ዒያሶንታ ዒዛኮ ዓቲንቆ ናኣቶንታ፤ ዬያጉዲ ሃሣ ዒዛኮ ዒጊኖ ማዔ ቃድሚዔኤሌና ሆዳውያና ማኣሮ ዓሶ ዛላፓ ማዔ ዓቲንቆ ናኣታ ቢያ ፔቴሞና ጌኤዢ ማኣሮ ገንሣ ማዢሶኮ ሱኡጌ ማዔኔ፤ ሃናዳዳ ዜርፆ ማዔ ሌዊ ዓሳኣ ዔያቶ ዒማና ማኣዳኔ።

10 ሹጮና ማኣሮ ማዢ ዓሳ ጌኤዢ ማኣሮ ማዢፆ ዓርቃኣና ቄኤሳ ፔኤኮ ማዲ ማኣዓሣ ማይንቲ፣ ሃሣ ኩጮይዳ ዛይ ዔኬም ዓሳኣፔ ማኣሮ ዓሶ ማዔ ሌዊ ዓሳ ዑኡቱቡሎ ዓርቄ ዋሊ ቤቄ ዔቄኔ፤ ዔያታ ካኣቲ ዳውቴ ዋዳፓ ማዲንቲ ማዲንቲ ሙኡኬ ዳምቦ ጎይፆ ዓይኑሞና ሂዚ ጌዒ ናንጊና ናንጋ ጎዳ ጋላቲኔ፡-

11 «ናንጊና ናንጋ ጎዳ ኮሺኬ፤
 ዒሰራዔኤሌ ዓሶ ዒ ናሽካ ናሹማ ናንጊና ናንጋያኬ።»
 ዬያ ዋሊ ዓኣሢ ዓኣሢ ዔያታ ፆኦሲ ቦንቾም ዓይናዴኔ፤ ጌኤዢ ማኣሮ ሹጮና ማዢፆ ዓርቄንቲሢሮ ፔቴ ፔቴ ዓሳ ዑኡዘ ዳጊዲ ዒላሺ ዒላሺሢና ናንጊና ናንጋ ጎዳ ጋላታኔ።¹² ጋርቾ ቄኤሶና ሌዊ ዓሶናፓ ሚርጌሢ፤ ዬያጉዲ ሃሣ ቶኦኮ ቶኦኮኮ ሱኡጋ ቤርታኣ ጌኤዢ ማኣሮኮ ማዢንቶ ፔ ዓኣፖና ዛጌሢሮ ሃሣ ማዢንታ ጌኤዢ ማኣሮኮ ማዢፆ ዓርቄንታሢ ዛጋፆ ዑኡዘ ፔኤኮ ዳጊዲ ዬኤኬኔ፤ ዒማና ዒኢካ ዓኣ ዛሎ ዓሳ ጋዓንቲ ዒላሺሢ ዓርቄኔ።¹³ ዔያታ ዒላታ ዳጌ ዑኡዘ ሃኮ ዋይዚንታሢሮ ዋዘ ዒላሺፆና ዬኤፖ ዑኡዘና ፆኦሲ ዲማሲ ዔራሪ ዳንዳዒባኣሴ።

4

ጌኤዢ ማኣራ ገንሣ ማዢንቲዋጉዲ ዒዲ ማዲና ማዲ

3:10 3:10 1ፆኣሲ. ዓሃኬ 25:1። 3:11 3:11 1ፆኣሲ. ዓሃኬ 16:34፤ 2ፆኣሲ. ዓሃኬ 5:13፤ ዓይኑ. 100:5፤ 106:1፤ 118:1፤ 136:1፤ ዓር. 33:11።

1 ዪሁዳና ቢኢኒያሜና ዳርኮ ሞርካ ዲዒንቶፓ ማዔ ዓሳ ናንጊና ናንጋ ጎዳ ማዔ ዒሰራዔኤሌ ያኦዛሢም ጌኤሺ ማአሪ ማዢሢ ዋይዜኔ። 2 ዪያር ዔያታ ዜሬባቡሌና ቶኦኮ ቶኦኮኮ ሱኡጎ ኮይላ ሙካዎ፡- «ጌኤዢ ማአሪ ኑ ዋላ ማዢም፤ ሃያ ዒንሢሢ ካአሽካ ያኦዛሢ ኑዋ ካአሽካኔ፤ ዓሰኦሪ ካአቲ፡ ዓሰራዶኔ ሃንጋ ዓጮ ባንሢ ኑና ደኬሢዳፓ ዓርቃዎ ዒዛም ዒንጎ ባኮ ኑ ዒንጊ ዒንጊኬ» ጌዔኔ።

3 ጋዓንቴ ዒማና ዜሬባቡሌንታ ዒያሱንታ ቶኦኮ ቶኦኮኮ ሱኡጋኦ ቢያ ዪንሢ ዓሰም፡- «ናንጊና ናንጋ ጎዳ ማዔ ኑ ያኦዛሢም ኑ ማዢ ጌኤዢ ማአሪ ማዶ ዒንሢ ኑና ማኦዳንዳያ ኮይሱዋሴ፤ ዪያ ፓርሴ ካአቲ፡ ቁኢርሴ ኑና ዓይሢ ጎይዎና ኑ ኑኡር ማዢንዳኔ» ጌይ ማሄኔ።

4 ዪካፓ ዪዩ ዓጮይዳ ናንጋ ዴራ ዓይሁዶ ዓሶ ዒጊቺሢና ሃሣ ካራ ባይዚሢና ጌኤዢ ማአሪ ማዢዎ ማዶ ላኦጋጊ ዔቁኔ። 5 ዔያታ ዋዎዴይ ጌዔቴ፡- ፓርሴ ካአቲኮ ቢታንታ ዓኦ ዓሰም ዴሚና ዒንጎ ሚኢሺ ዒንጊሢና ማአሪ ማዢዋጉዲ ላኦጋጊ ማሌኔ፤ ዪያ ዔያታ ካአቲ ቁኢርሴ ዋዳፓ ዴንዲ ካአቲ ዳኦሪዮሴ ዋዶ ሄላንዳኦና ማዲያ ሃሽባኦሴ።

ዪሩሳላሜ ጊንሣ ማዢንቴዋጉዲ ዒፂ ማዶና ማዶ

6 ዪያ ሌሊቱዋንቴ ዔያታ ካአቲ ጄሬኪሲሴ ካአታዴ ቤርታሳ ሌዎይዳ ዪሁዳና ዪሩሳላሜናይዳ ናንጋ ዲዒንቶፓ ማዔ ዓሳ ዋጌና ዓርቁንታንዳጉዲ ሃይሶ ፃኦፒ ካአቲም ሺኢሼኔ።

7 ዓርፃክሲሴ ፓሪሴ ዓጮ ካአቲ ማዒ ዓኦ ዋዶና ቢሽላሜ፡ ሚትሬዳቲ፡ ፃብዔኤሌንታ ሚሌ ዔያቶና ዋላ ዓኦ ዓሳ ዋጌና ዔያታ ዓርቁንታንዳጉዲ ጋዓ ዋርቃታ ፃኦፒ ካአቲም ሺኢሼኔ፤ ዪይ ዋርቃታ ፃኦፒንቴሢ ሶኦሪያ ዓጪ ፒዳኦሌና ሙኡቸና ማዔሢር ናባቢንቴ ቡሊ ኬኤዚንታንዳጉዲ ዳኪንቴያኬ።

8 ዪያጉዲ ሃሣ ዓጮ ዋይሣ ሬሁሜና ፃኦፓሢ ሽምሻዬና ዪሩሳላሜ ዛሎ ሃካፓ ዴማ ዓኦ ማሊዎ ካአቲም ፃኦፒኔ፤

9 ዓጮ ዋይሣ ሬሁሜና ፃኦፓሢ ሽምሻዬ፤ ሃሣ ዔያቶና ዋላ ዋጎ ዋጋ ዓሶንታ ቲሪፖሊሴይዳ፡ ፓሪሴይዳ፡ ዔሬኬይዳ፡ ባብሎኔና ሱሳናይዳ ናንጋ ቢታንታ ዓኦ ሃንጎ ዓሳኦ ቢያ፤ 10 ዋልቆና ዴኤፖ ካአታሢ ዓሴናፔሬ ሸይንቴ ዓጫፓ ሳማሪያ ካታሞና ዔፕራዒሴኮ ዓባ ጌላ ዛሎ ዳኪ ዲማ ዲማ ቤዛ ናንጋንዳጉዲ ዒ ማሄ ሃንጎ ዴርና ዋላ ዒ ፃኦፒያ ማዓዛ፡

11 ፃኣፒንቴ ዋርቃቴሎኮ ጴኤፖ ማሊፃ ሂዚ ጋዓያኩ፡-
ዔፕራዲሴኮ ዓባ ጌላ ዛሎና ናንጋ ኔኤኮ ማዳዞንሢፓ ካኣቴ
ዓርፂክሲሴም ዳኪንቴያ፡

12 «ጴኤፖ ቦንቸንጋሢያ! ኔ ኮይላፓ ሙኩ ዓይሁዶ ዓሳ
ዬሩሳላሜይዳ ዴዒ ዬኖ ዋይዞ ዒፃ ፑርቶ ካጋሜሎ ገንሣ ኮሺ
ማዢሢዳኬ፤ ዲሮዋ ዓካሲ፡ ጌኤኩ ማኣሮዋ ማዢያ ዓርቄ።፡፡

13 ዬያሮ ካኣቴዮ! ዬና ካጋሜላ ገንሣ ማዢንጉቴ ዲሮ ማዳኣ
ገኢጊ ጋፔያታቶ ዴራ ገኢሮ ኔኤም ጨጊያ ሃሻንዳኔ፤ ሃሣ ኔኤም
ዒንገንጋ ካኣቴም ማኣሪ ጌላ ባካኣ ፓጫንዳሢ ዔሬ! 14 ኑኤኒ

ካኣቴ ማኣራፓ ዴንቃ ባኣዚ ዓኣያታሢሮ ኔኤኒ ቶኦቸንጉቴም ዘቴ ጌይ
ዛጊያ ኑም ኮሸኩዋኣያ ማዔም ሃያ ኪኢቶ ኑ ኔኤም ዳኬ፤ 15 ኔኤኮ
ቤርታኣ ዓዶንሢ ሃይሶይዳ ፃኣፒንጉቴ ዓኣ ባካ ዛገንጋንዳጉዲ ኔ

ዓይሣንዳጉዲ ኑ ኔኤም ኬኤዛኔ፤ ዬይ ዛገንጋ ዋዶና ዬና ካጋሜላ
ቢያ ዋዴ ዋይዚ ዒፃያ፡ ሃሣ ሚናኣፓ ዓርቃፖ ካኣቶና ዲማ ዲማ
ዓጮ ዋይሣ ዓሶ ዋማይዲ ዔያታ ሜታሳቴያ ማርካ ማዓ ባኣዚ

ዬና ዛጋ ዓሳ ዴንቃንዳኔ፤ ሚናፓ ዒዞይዳ ዓኣ ዴራ ዋይዙዋኣያኬ፤
ሃያኮ ቤርታ ካጋሜላ ዶዒ ባይቃንዳጉዲ ማዲንጉቴሢ ዬያሮኬ።፡፡
16 ዬና ካጋሜላ ገንሣ ላሚ ማዢንጉቴ፡ ዲሮ ኮሺፃኣ ዒዞኮ ጋፔሰካፓ
ካኣቴዮ! ዔፕራዲሴኮ ዓባ ኬሰካ ባንፆና ዓኣ ዓጮይዳ ቤሲ ኔኤኮ
ባንፆ ማዓንዳሢ ኑ ኔኤም ኬኤዛኔ» ጋዓያኩ።፡፡

17 ዬኖኮ ካኣቴ ማሃዮ፡- «ዓጮ ዋይሣ ሬሁሜም፡ ፃኣፓሢ
ሸምሻዬም፤ ዬያጉዲ ሃሣ ሳማሪያና ዔፕራዲሴ ዋሮኮ ዓባ ጌላ
ባንፆይዳ ዓኣ ዴሮናም ቢያ፡ ዒንሢ ኮሺዳ?

18 «ዒንሢ ታኣም ፃኣፒ ዳኬ ዋርቃታ ናባቢንጉ ቡሊንጉም ታ
ዋይዜ፤ 19 ዬኖ ማሊያና ዒንሢ ጌዔ ጎይፃ ዔባ ዛገንጋንዳጉዲ
ታ ዓይሣኔ፤ ዬያሮ ዛጋ ዓሳ ዒማና ዴንቄ ጎይፃና ዬሩሳላሜ ሚናፓ
ዓርቃፖ ካኣቶም ዋይዚ ዒፃ ናንጋያ፡ ሜታሳ ዓሲ ኩሜ ካጋሜላሢ

ዔርቄ፤ 20 ያዲ ማዔያታቴያ ዬሩሳላሜይዳ ዔፕራዲሴኮ ዓባ ኬሰካ
ባንፆና ዓኣ ዓጮ ቢያ ገኢራ ገኢራሻያ፤ ሃሣ ኮርዋ ኮርማ ዓሶፓ
ሚኢሽ ጨጊሻ ዔርቄ ካኣታ ዒኢካ ካኣታዳ።፡፡ 21 ዬያሮ ታ ላሚ
ሃሣ ሜሌ ኪኢታ ዒንሢም ዳካንዳያ ሄላንዳኣና ዬና ዓሳ ካጋሜሎ

ገንሣ ማዢያ ሃሻንጎ ጎዑዋቴ፤ 22 ኑኤኮ ካኣቴምይዳ ዓይጎ ሜታኣ
ሄሉዋጉዲ ዬኖ ዛሎ ዒንሢና ዔሩዋቴ!» ጌይ ዳኬ።፡፡

23 ዬካፓ ካኣቴ፡ ዓርፂክሲሴ ማሂ ዳኬ ዋርቃታ ሙኪ ሬሁሜም፡
ሸምሻዬና ዔያቶና ዋላ ዓኣ ዓሶም ቢያ ናባቢንጉቴሰካፓ ዔያታ ኔጉዋፖ
ዬሩሳላሜ ሙኪ ዓይሁዳ ዬሩሳላሜ ገንሣ ማዢያ ሃሻንዳጉዲ

ላኣኬ፤ 24 ዬያሮ ዳኣሪዮሴ ፓሪሴይዳ ካኣታዴ ላምዓሳ ሌፆ

ሄላንዳና ጌኤዥ ማኦር ማዳ ላክጊንቴሚር ማዳ ዓርቂንቴ ቤዛ ዔቂ ዓቴኔ።

5

ጌኤዥ ማኦር ማዥ ጊንሣ ዓርቆናሢ

1 ዒማና ያኦሲ ማሊያ ኬኤዛ ለምዖንሢ ሃጊንታ ዒዶ ናኣዚ ዛካሪያሴንታ ዬሩሳላሜና ዪሁዳ ዓጮናይዳ ናንጋ ዓይሁዶ ዓሶም ዒሰራዔኤሌ ያኦሲ ሱንያና ያኦሲ ማሊሢ ኬኤዜኔ። 2 ሳላተያሌ ናኣዚ ዜሪባቡሌና ዒዮጃዴቄ ናኣዚ ዒያሱና ዬንሢ ያኦሲ ማሊያ ኬኤዛዞንሢ ሃይሶ ዋይዛያ ዬሩሳላሜይዳ ጌኤዥ ማኦር ማዥያ ጊንሣ ዓርቆኔ፤ ዬንሢ ለምዖ ያኦሲ ማሊያ ኬኤዛዞንሢ ዔያቶ ማኣዴኔ።

3 ዔፕራዲሴኮ ዓባ ኬሰካ ባንያ ዓጮ ዋይሣያ ማዔ ታቴናዬና ሺታርቦዝናዬና፤ ዬያጉዲ ሃሣ ዔያቶና ዋላ ቢታንታ ዓኣ ዓሳኣ ዬሩሳላሜ ሙካዖ፡- «ሃያ ጌኤዥ ማኦር ማዥም፣ ሃሣ ዲሮዋ ዓካሲ ኮሹም ያኣኒ ዒንሢ ዓይሣይ?» ጌይ ያኦጮኔ። 4 ጌኤዥ ማኦር ማዥኒ ዔያቶና ዋላ ዔቂ ዓሶኮዋ ሱንያ ዔራኒ ዔያቶ ያኦጮኔ። 5 ጋዓንቴ ዓይሁዶ ዓሶኮ ሱኡጎ ያኦሲ ካፓያታሢር ዬያታ ፓርሴ ዓጮኮ ቢታንታ ዓኣ ዓሳ ዳኣሪዮሴም ዒ ዋዚ ጋዔቴያ ዋይዛኒ ከኢታ ፃኣፒ ዳካያ ማዳ ማዳያ ዓሶ ላክጊንቴ። 6 ዒማና ዔፕራዲሴኮ ዓባ ጌላ ዛሎ ዓጮ ዋይሣ ታቴናዬና ሺታርቦዝናዬና፤ ዬያጉዲ ዔያቶና ዋላ ዓኣ ዓሳ ካኣቲም ሂዚ ጋዓ ከኢታ ፃኣፒ ዳኤኔ፡-

7 «ዳኤፖ ቦንቺንታ ካኣታሣ ዳኣሪዮሴ! ኔ ዓጮም ኮሹም ማዖንጎ፤

8 «ካኣቲዮ! ኑኡኒ ዪሁዳ ዓጮ ዳንዴንቴ ዒኢካ ዳኤፖ ያኦዛሢኮ ጌኤዥ ማኦራ ሹቺና ዓርሲንቴ ሚሢና ጊንሣ ማዥንታንቴ ኑ ዛጌያታሢ ኔና፣ ዳኤፖ ቦንቺንታሢም ዔርቴያ ማዖንጎ፤ ዬይ ማዳ ዔያቶኮ ጋርቻ ዛጊ ዓርቂ ማዳሻሢር ሩኡሪና ማዳንታኔ።

9 «ኑኡኒ ዒማና ዴሮኮ ሱኡጎ ኮራ፡- «ሃያ ጌኤዥ ማኦር ጊንሣ ዒንሢ ማሢ ማዥንዳጉዲና ዲሮዋ ዓካሳንዳጉዲ ያ ዒንሢ ዓይሣይ?» ጌይ ያኦጮኔ፤ 10 ዬያ ሌሊቱዋንቴ ዬያ ማዳ ማዳሻ ሱኡጋ ያናንሢታቴያ ሱንያ ዔያቶኮ ኔኤም ኬኤዛኒ ኑ ዔያቶ ያኦጮኔ።

11 «ዔያታ ኑም ዒማና፡- «ኑኡኒ ጫሪንጮና ሳዖና ማዥ፣ ዳኤፖ ያኦዛሢኮ ማዳዞንሢ፤ ዬያር ዒዛም ሚርጌ ዋዴኮ ቤርታ ፔቴ ዴኤፒ፣ ዒሰራዔኤሌ ዓሶኮ ካኣቲሰኤይ ማዥ ጌኤዥ ማኦርና ዲሮና

5:1 5:1 ሃኣኔ 1:1፤ ዛካ. 1:1። 5:2 5:2 ሃኣኔ 1:12፤ ዛካ. 4:6-9።

ጊንሣ ኑ ማዠኔ፤ 12 ጋዓንቴ ኑኡኮ ቤርታኣ ዓደንሢ ዬያ ጩሪንጮ ጾኦዛሢ ጳጋሴሢሮ ካላዳ ዓጮ ካኣቶ ዜርፃፓ ባብሎኔ ካኣቴ ሩብካዳናጾኦሬ ጾሎና ዔያቶ ባሻንዳጉዲ ማሄኔ፤ ዒማና ጌኤዠ ማኣራ ሻሂንቴኔ፤ ዳራኣ ዲዒንቴ ባብሎኔ ዓጮ ዓኣዴኔ። 13 ዩካፓ ቁኢሮሴ ባብሎኔይዳ ካኣታዴ ቤርታሳ ሌጾና ዬያ ጌኤዠ ማኣሮ ጊንሣ ኑ ማዠንዳጉዲ ኑና ዓይሣሢ ፔኤሮ ካኣቴ ቁኢሮሴኬ። 14 ሩብካዳናጾኦሬ ሃይካ ዬሩሳላሜይዳ ማዠንቴ ቤርታኣ ጌኤዠ ማኣራፓ ዲዒ ዓኬ ባኮና ባብሎኔይዳ ዔያቶኮ ጾኦዛ ካኣሽኮ ቤዘይዳ ጌሣ ምርቆና ኮሽንቴ ጌኤዠ ማኣሮ ሜሆ ቢያ ቁኢሮሴ ማሂ ኑም ዒንጌኔ፤ ዬይ ጌኤዠ ማኣሮ ማሃ ኑም ማሂ ዒንጊንቴሢ ዪሁዳ ዓጮ ምይሣንዳጉዲ ማሂ ዶኦርና ሽሽባፃሬ ጌይንታ ዓሢ ዛሎናኬ። 15 ዬይ ዓጮ ምይሣ ሽሽባፃሬ ዬንሢ፤ ጌኤዠ ማኣሮ ማሃ ጊንሣ ማሂ ዔከ ሙኪ ዬሩሳላሜይዳ ዓኣ ጌኤዠ ማኣሮይዳ ጌሣንዳጉዲ፤ ዬያጉዲ ሃሣ ጌኤዠ ማኣሮ ምርታ ዓኣ ቤዛ ማዠንዳጉዲ ካኣቴ ቁኢሮሴ ዓይሣኔ። 16 ዬያሮ ሽሽባፃሬ ሙኪ ማኣሮ ማዠሶ ዓይሣኔ፤ ዬካፓ ሹጮና ማዠ ማኣራ ማዠንቶ ዓርቁም ሃሮ ሄላንዳኣና ማኣራ ማዠንቴሢዳኬ፤ ጋዓንቴ ጌኤዠ ማኣሮ ሹጮና ማዠሢ ሃጊ ጋፒባኣሴ» ሂዚ ጌይ ኬኤዜኔ።

17 «ካኣቴዮ! ጎኔና ዬይ ጌኤዠ ማኣራ ዬሩሳላሜይዳ ማዠንታዳጉዲ ካኣቴ ቁኢሮሴ ዓይሣቴያ ዓይሣባኣቴያ ዔራኒ ባብሎኔይዳ ካኣቴም ማኣራ ፃኣፒ ጌሣና ማርካ ማዓ ባኣዚ ዓኣቶ ዛጊሴ፤ ሃያ ባኮ ኔ ምዚ ጋዓቴያ ኑም ኔ ኬኤዛንዳጉዲ ኑ ኔና ሽኢቃኔ።»

6

ቁኢሮሴ ዓይሣ ዓይሣያ ኮዒ ዳንቆናሢ

1 ባብሎኔይዳ ካኣቴም ማኣራ ዓኣ ፃኣፒ ጌሣና ባካ ቢያ ኮይ ዛጊንታንዳጉዲ ካኣቴ ዳኣሪዮሴ ዓይሣኔ፤ 2 ጋዓንቴ ዬይ ባካ ባብሎኔይዳቴዋንቴ ዒዞ ዓጮኮ ሜዶኔይዳ «ዓህሚታ» ጌይንታ ካታማይዳ ፔቴ ቡራና ጌይንታያ ማሪንቴ ባኣዚዳ ጴዴኔ፤ ዬሮ ጋራ ፃኣፒንቴ ባካ፡-

3 «ቁኢሮሴ ካኣታዴ ቤርታሳ ሌጾና ዬሩሳላሜይዳ ዓኣ ጌኤዠ ማኣሮይዳ ጾኦሲም ሚቺ ዒንጎ ዒንጊጾንታ ሚሌ ዲማ ዲማ ዒንጊጾ ዒንጊንታንዳጉዲ ጌኤዠ ማኣራ ጊንሣ ማዠንታንዳጉዲ ዓይሣኔ፤

5:12 5:12 2ካኣቶ. ማ 25:8-12፤ 2ጾኦሲ. ዓሃኬ 36:17-20፤ ዒር. 52:12-15።
 5:13 5:13 ዒዝ. 1:2-11።

ዬያ ጌኤዠ ማኣሮኮ ያደሱማ ላሂታሚ ዋዳ፣ ጋሮ ዳልጉማኣ ላሂታሚ ዋዳ ማዓንዳያ ኮይሳኔ። 4 ዲራ ሃይሠ ሺርሺ ሹቻ ከልቂ ዲርቆናያ ዬያ ከኤሎ ዲያኮ ቶኦካ ፔቴ ሺርሺ ጫርጊ ዲርቆና ሚሢ ዲርሲ ዓኣያ ማዖንጎ፤ ዬያ ማዶም ቢያ ኮይሳ ሚኢሻ ካኣቱሞ ማኣራ ሚኢሻ ጌሠ ከኤፃፓ ዒንጊንቶንጎ። 5 ዬያጉዲ ሃሣ ሃያኮ ቤርታ ካኣቲ ናብካዳናዖኦሬ ዬሩሳላሜይዳ ዓኣ ጌኤዠ ማኣራፓ ዲዒ ከሴ ዋርቆና ቢሮ ዓንጎናይዳፓ ኮሺንቱ፣ ጌኤዠ ማኣሮይዳ ማዳንቶ ሜሃ ጊንሣ ማዒ ዬሩሳላሜይዳ ማዢንታ ጌኤዠ ማኣሮይዳ ኮይሳ ቤዛ ጌሢንቶንጎ» ጋዓያኬ።

6 ዬያሮ ዳኣሪዮሴ ሃካፓ ዳማ ዓኣ ኪኢቶ፡- «ዔፕራዊሴኮ ዓባ ኬሰካ ባንዖና ዓኣ ዓጮ ዋይሣ ታቴናዬና ሺታርቦዝናዬናም፣ ዔፕራዊሴኮ ዓባ ጌላ ባንዖይዳ ዒንሢና ዋላ ዓኣዘንሢም ቢያ፤ ጌኤዠ ማኣሮ ባንሢ ዑኪፖቴ፣ 7 ማዳ ማዳንቱዋጉዲ ዲቂዖዋ ሃሹዋቴ፣ ደሁዳ ዓጮ ዋይሣሢና ዓይሁደ ዓሶኮ ሱኡጎና ያኦሲኮ ጌኤዠ ማኣሮ ሚና ቤርታ ዓኣ ቤዘይዳ ጊንሣ ማዢንጎ። 8 ሃይማና ጌኤዠ ማኣሮ ማዶ ኮሺ ዒንሢ ዔያቶ ማኣዳንዳጉዲ ታ ዒንሢ ዓይሣኔ። ዬያሮ ዬያ ማዶ ማዳሹንዶ ሚኢሻ ቢያ ዔፕራዊሴኮ ዓባ ኬሰካ ባንዖና ዓኣ ዓጫፓ ካኣቲኮ ጊኢሮ ማዒ ቡኩሶና ሚኢሻፓ ዑኩና ኬሰንቲ ዔያቶም ዒንጊንቶጎ፤ ማዳ ዲቂንቲ ዔቃንዳያ ኮይሱዋሴ። 9 ቃሲ ሃሣ ዬሩሳላሜይዳ ዓኣ ቁኤሳ ዒንሢም ከኤዛ ጎይዖ ከላ ከላ ጫሪንጫ ናንጋ ያኣዛሢም ዔያታ ዒንጋ ዒንጊዖም ኮዓ ዚዮ ጌማታ፣ ማራቶ ዓዳ፣ ማራናኣቶ ዓዳ፤ ዬያጉዲ ሃሣ ዒንጊዖማ ማዓ ዛርጋሢ፣ ሶኦጋ፣ ዋይሮ ዑኩንታ ሪሚታፓ ኮሾ ዛይቶዋ ቢያ ዔያቶም ዒንጉዋቴ። 10 ዬይ ቢያ ያዲ ማዳንታኒ ኮይሳሢ ጫሪንጫ ያኣዛሢ ዋዘና ዔካ ዒንጊዖ ቢያ ሺኢሺሢሢና ታኣና ታናኣቶና ሺምፓሢም ዔያታ ሺኢቃንዳጉዲኬ፤ 11 ዬያ ሌለቱዋንቲ ሜሌ ታ ዔርዛኒ ኮዓ ባኣዚ ዓይጎዳይ ጌዔቴ፡- ሃያ ታ ዓይሢዖ ዔኩዋኣያና ዋይዙዋይ ዓይጎ ዓሲታቶዋ ዒዛኮ ማኣሮ ቱርቱራፓ ፔቴ ቱጊንቲ ዓርሲ ዓጪሴሰካፓ ጫርጊ ዒዛ ሱዖንጎ፤ ዩካፓ ማኣራ ዒዛኮ ሻሂንቲ ቡኡራ ላኣሎ ቤሲ ማዖንጎ። 12 ሃያ ዓይሢዖ ዋይዘ ዒዳ ዬሩሳላሜይዳ ዓኣ ያኦሲኮ ጌኤዠ ማኣሮ ሻሂኒ ማላ ዓይጎ ካኣቲ ማዔቴያ ዳሬ ዒዛኮ ሱንፃ ዔኤሊንታ ቤሲ ማዓንዳጉዲ ደኦሬ ያኣዛሢ ዬያ ባይዘንጎ፤ ሃያ ኪኢቶ ዓይሢዖ ዳኬሢ ታና፣ ዳኣሪዮሴ ማዓሢሮ ጉቤ ባካ ማዳንቲ ኩማንዳያ ኮይሳኔ» ጌይ ዳኬኔ።

ጌኤዠ ማኣራ ማዢንቲ ጋፔሢሮ ቦንቾና ቦንቾ

13 ዩካፓ ዓጮ ዋይሣ ታቴናዬንታ ሺታርቦዝናዬንታ ዔያቶና ዋላ ቢታንታ ዓኣ ዓሳ ካኣቲ ዔያቶ ዓይሣ ጎይያና ቢያ ባኮ ማዲ ኩንሣኔ። 14 ዓይሁዶ ዓሶኮ ሱኡጎንታ ያኦሲ ማሊያ ኬኤዛ ሃጌና ዛካሪያሴና ዔያቶ ዶዲሺ ዶዲሺ ጌኤዡ ማኣሮ ማዶ ዑካሴኔ፤ ዒሰራዔኤሌ ያኦዛሢ ማሊያጉዲ ፓርሴ ካኣታ ቁኢሮሴንታ ዳኣሪዮሴንታ ዓርፃክሲሴንታ ዓይሣ ጎይያ ጌኤዡ ማኣሮ ማዶ ማዲ ጋፒሴኔ፤ 15 ዬያ ጌኤዡ ማኣሮ ዔያታ ማዢ ጋፒሴሢ ዳኣሪዮሴ ካኣታዳንቲ ላሃሳ ሌዖኮ ዓዳሬ ጌይንታ ዓጊና ፃኤሬም ሃይሣሳ ኬሎናኬ። 16 ዩካፓ ዒሰራዔኤሌ ዴራ፥ ቁኤሶንታ ሌዊ ዓሶንታ፤ ዬያጉዲ ዲዒንቶፓ ማዔ ሃንጎ ዓሳ ቢያ ጌኤዡ ማኣራ ማዢንቲ ጋፒሢሮ ቦንቾ ኬሊ ዋዛና ቦንቾኔ። 17 ዔያታ ዒማና ቢያ ዬያ ቦንቾ ኬሎም ማዓያ ፔቲ ፃኤታ ዚያ ጌማይ፥ ላምዖ ፃኤታ ዓዴ ማራይ፥ ያይዶ ፃኤታ ማራናይ ዓዴ ዒንጎ ዒንገሢ ማሂ ሺኢሺኔ፤ ሃሣ ጎሜ ጌኤሺሢ ዛላ ዒንጎ ዒንገሢ ማዓ ታጾ ላምዖ ኮላይ ፔቲ ፔቲ ዒሰራዔኤሌ ዓሶኮ ያጾ ሱንያና ሺኢሺኔ። 18 ዩካፓ ሙሴኮ ዓሶ ዋይሣ ዋጋ ያኣፒንቲ ጎይያ ዬሩሳላሜይዳ ማዢንቲ ጌኤዡ ማኣሮ ማዶም ቁኤሶና ሌዊ ዓሶና ዔያታ ፔ ቤዛ ቤዛ ማሂ ጊኢጊሺኔ።

ዑሣ ዓኣዲያ ቦንቾ ኬሎ

19 ዲዒንታፓ ማዔ ዓሳ ቤርታሳ ዓጊኖኮ ታጾ ያይዳሳ ኬሎና ዑሣ ዓኣዲያ ቦንቾ ቦንቾኔ። 20 ዒማና ቁኤሶና ሌዊ ዓሶና ቢያ ዋጎ ጎይያ ዳምቦና ፔ ቶኦኮ ጌኤሺኔ፤ ሃሣ ሌዊ ዓሳኣ ቦንቾ ኬሎይዳ ዲዒንታፓ ማዔ ዴሮና ቁኤሶናም፤ ዬያጉዲ ሃሣ ፔ ቶኦኮም ዔያታ ሺኢሺ ቆልዋዋ ሹኬኔ። 21 ዒንጎ ዒንገያዋ ቢያ ዲዒንታፓ ማዔ ዒሰራዔኤሌ ዓሳ፤ ዬያጉዲ ሃሣ ዬኖ ዓጮይዳ ናንጋ ሜሌ ዓሶ ዳምቦ ሃሺ ናንገና ናንጋ ጎዳ ማዔ ዒሰራዔኤሌ ያኦዛሢ ካኣሽካ ዓሳኣ ቢያ ሙዔኔ። 22 ናንገና ናንጋ ጎዳ ፔኤሮ ዓሶኦሬ ካኣቲ ዔያቶ ናሽካንዳጉዲና ናንገና ናንጋ ጎዳ ማዔ ዒሰራዔኤሌ ያኦዛሢ ጋላቲንታ ጌኤዡ ማኣሮ ጊንሣ ዔያታ ማዢንዳጉዲ ማዶና ቢያ ዔያቶ ዒ ማኣዳንዳጉዲ ማሂሢሮ ላኣዳ ሙዒ ቦንቾ ኬሎ ላንካይ ኬሊ ኩሙሢ ዴኤፒ ዋዛና ዔያታ ቦንቾኔ።

7

ዒዘራ ዬሩሳላሜ ሙኬሢ

6:14 6:14 ሃኣጌ 1:1፤ ዛካ. 1:1። 6:19 6:19 ኬሲ. ማፃ 12:1-20።

1 ይካገ ሚርጌ ሌዔ ዳዓፖ ዓርጃክሲሴ ፓርሴ ካኣቲ ማዔ ዎድና ዒዘራ ገይንታ ፔቲ ዓሲሰኬይ ዒኢካ ናንጋኔ፤ ዒዘኮ ቤርታኣ ዓድንሢ ሸይንቶ ፃጳ ዳንዲ ዳኤፓሢ፣ ቁኤሶ ቢያኮ ዑፃሢ፣ ዓኣሮኔ ሄላንዳኣና ፓይዲንታዛ ሃካፓ ዳማ ዓኣ ጎይፆኬ፤ ዬይያ፡- ዒዘራ ሴራያ ናይ ማዓዛ፣ ሴራያ ዓዛሪያ ናይ፣ ዓዛሪያ ሂልቂያ ናይ፣ ሂልቂያ ሻሎሜ ናይ፣ 2 ሻሎሜ ሳዶቄ ናይ፣ ሳዶቄ ዓሂፁቤ ናይ፣ ዓሂፁቤ ዓማሪያ ናይ፣ 3 ዓማሪያ ዓዛሪያ ናይ፣ ዓዛሪያ ሜራዮቲ ናይ፣ ሜራዮቲ ዜራህያ ናይ፣ 4 ዜራህያ ዑዚ ናይ፣ ዑዚ ቡቂ ናይ፣ 5 ቡቂ ዓቢሹዓ ናይ፣ ዓቢሹዓ ፒንሃሴ ናይ፣ ፒንሃሴ ዓላዜሬ ናይ፣ ዓላዜሬ ቁኤሶ ቢያኮ ዑፃሢ ዓኣሮኔ ናይኬ።

6 ዬይ፣ ዒዘራ ባብሎኔይዳፓ ዬሩሳላሜ ሙኬኔ፤ ዒዚ ናንገና ናንጋ ጎዳ ማዔ ዒሰራዔኤሌ ያኣዛሢ ሙሴም ዒንጌ ዎጎ ኮሺ ዔራያኬ፤ ናንገና ናንጋ ጎዳ ማዔ ያኦሲኮ ዎልቃ ዒዛና ዎላ ዓኣሢሮ ዒዚ ያኣጩ ባኮ ቢያ ካኣቲ ዒዛም ዒንጌ። 7 ዬያጉዲ ሃሣ ካኣቲ ዓርጃክሲሴ ካኣታደንቲ ላንካሳ ሌዎና ዒሰራዔኤሌ ናኣቶ ባኣካፓ ቁኤሳ፣ ሌዎ ዓሳ፣ ዓይኑም ዓይናዳ ዓሳ፣ ጌኤዦ ማኣሮ ካሮ ካፓ ዓሳንታ ጌኤዦ ማኣሮይዳ ማዳ ዓሳኣ ዒዘራና ዎላ ዬሩሳላሜ ሙኬኔ። 8 ካኣቲ ዓርጃክሲሴ ካኣታዳ ላንካሳ ሌዎኮ ድንጋሳ ዓገኖና ዒዘራ ዬሩሳላሜ ሙኬኔ። 9 ያኦሲኮ ዳኤፖ ዎልቃ ዒዛይዳ ዓኣሢሮ ባብሎኔይዳፓ ቤርታሳ ዓገኖኮ ቤርታሳ ከሎና ዔቂ ዬሩሳላሜ ድንጋሳ ዓገኖኮ ዓይፆይዳ ሄሌኔ። 10 ዒዘራ ናንጌ ዎድ ቢያይዳ ናንገና ናንጋ ጎዳኮ ዎጎ ናባቢሢና ዬያ ናባቢሢ ማዳይዳ ፔኤሻሢና፤ ዬያጉዲ ሃሣ ናንገና ናንጋ ጎዳኮ ዓይሢያንታ ዎጎንታ ዳምቦንታ ዒሰራዔኤሌ ዳሮ ጉቤሢም ዔርዚ ዔርዚ ማዳይዳ ፔኤሻያኬ።

ካኣቲ ዓርጃክሲሴ ዒዘራም ፃኣፒ ዒንጌ ከኢኦ

11 ናንገና ናንጋ ጎዳ ዒሰራዔኤሌ ዓሶም ዒንጌ ዎጎንታ ዓይሢያንታ ቢያ ኮሺ ዔራያ ማዔ፣ ቁኤሳሢ ዒዘራም ካኣቲ ዓርጃክሲሴ ፃኣፒ ዒንጌ ዎርቃታ ሃካፓ ዳማ ዓኣሢኬ፤ ዬይያ፡-

12 «ካኣቶኮ ካኣቲ ዓርጃክሲሴይዳፓ ጫሪንጮ ያኣዛሢኮ ዎጎ ናባቢ ዔሪዎና ዳኤፒ ዔራ ማዔ ቁኤሳሢ፣ ዒዘራ ኔ ኮሺዳ?»

13 «ታኣኒ ዎይሣ ካኣቱም ዓጮ ጋራ ዓኣያ፤ ሃሣ ኔኤና ዎላ ዬሩሳላሜ ማዒ ዓኣዳኒ ኮዓ ዒሰራዔኤሌ ዓሶንታ ቁኤሶንታ ሌዎ ዓሳኣ ቢያ ማዒ ዳንዳንዳጉዲ ታ ዓይሢኔ፤ 14 ታኣኮ ላንካዎ ድንዘና ዎላ ዔኤዒ ገሰቲ ኑ ዔቂሴ ጎይፆና ኔ ኩጫ ዓኣ ያኦሲ ዎጎና ዓይሢያና ማዳይዳ ፔኤቃሢ ዛገ ዛገ ዬሩሳላሜና ዪሁዳናይዳ ማዳንታ ባኮ ኔ ዛጋንዳጉዲ ታ ኔና ዳኬኔ። 15 ቃሲ ሃሣ ዬሩሳላሜይዳ ጌኤሻ ማኣሪ ማዢንቲ፣ ዒሰራዔኤሌ ያኣዛሢም

ታኣና ታኣኮ ደንዘና ኑ ኑ ሸኔና ናሽኪ ዒንጌ ቢርና ዋርቆና ዔኪ ደንደ። 16 ይያ ሌሊቱዋንቴ ኔኤኒ ኔኤር ባብሎኔ ዓጫፓ ቡኩሴ ዋርቆና ቢርና፣ ዒሰራዔኤሌኮ ደርንታ ዔያቶኮ ቄኤሳኣ ዓቱዋዎ ዩሩሳላሜይዳ ማዢንቴ ዔያቶኮ ያኣዛሢ ጌኤዢ ማኣራ ዔያታ ሸኢሻኒ ኮዓ ዒንጌዎ ቢያ ዔኪ ደንደ። 17 ይያ ሚኢሾ ዛጊ ማዶ ማዳንዳጉዲ ማሄ፤ ጌማይ ዚያ፣ ዴኤፖ ዓዶ ማራቶንታ ማራናኣቶንታ፣ ዒንጌዎም ማዓ ሃኣኮንታ ዋይሮ ዑዡዋ ሃሹዋዎ ዩሩሳላሜይዳ ማዢንቴ ዒንሢ ያኣዛሢ ጌኤዢ ማኣርይዳ ዓኣ ዒንጎ ባኮ ዒንጎ ቤዘይዳ ዒንጌንታ ዒንጌዎ ቢያ ሻንቄ። 18 ይካፓ ዓታ ቢርና ዋርቆና ዒንሢኮ ያኣዛሢ ማሊዎጉዴያ ኔኤና ኔ ዓሶና ዒንሢ ኮዓ ባኣዚ ማዶዋቴ። 19 ጌኤዢ ማኣርይዳ ማዳንዳጉዲ ዒንጌንቴ ዲማዳ ሜሆ ዩሩሳላሜይዳ ካኣሸኪንታ ያኣዛሢም ኔ ሸኢሻንዳ። 20 ሃሣ ጌኤዢ ማኣርይዳ ማዳንታኒ ኔኤም ኮይሳ ሜሌ ባኮ ቢያ ካኣቱዋ ማኣርኮ ሜሆ ጌሃ ማኣራፓ ኔ ዔካኒ ደንዳዓ።

21 «ዔፕራዲሴኮ ዓባ ጌላ ባንዎና ዓኣ ዓጮኮ ቢታንታ ዓኣ ዓሳ ቢያ ጫሪንጮ ያኣሲ ዒንጌ ዋጎና ዓይሢዎ ኮሺ ዔራ ቄኤሳሢ ዒዘራ ዒዘም ኮይሳ ባኮ ያኣጫሢ ጉቤ ዒንሢ ኩንሣንዳጉዲ ታኣኒ ዓርፃክሲሴ ዓይሣ። 22 ይይያ፡- ሃይሃ ሺያና ያይዶ ፃኤታ ኪሎ ማዓ ቢራ፣ ታጳ ሺያ ኪሎ ማዓ ዛርጌ፣ ላምዎ ሺያ ደሎዜ ማዓ ዋይኔ ዑሺ፣ ላምዎ ሺያ ደሎዜ ማዓ ሪሚቲ ዛይቲንታ ሶኣጌያ ዒዛም ኮይሳሢጉዴያ ዒንጉዋቴ። 23 ጫሪንጮ ያኣዛሢ ጌኤዢ ማኣር ማዶም ኮዓ ባኮ ቢያ ዒንጎንዳያ ዒንሢ ኮይሳያታሢ ዋሊፖቴ፤ ዒዚ ታናንታ ታኣኮ ጊንፃ ኬሰካንዳ ካኣቶ ዑይይዳ ሜቶ ዔኪ ዩዑዋጉዲ። 24 ይያጉዲ ሃሣ ቄኤሳ፣ ሌዊ ዓሳ፣ ዓይኑም ዓይናዳ ዓሳ፣ ጌኤዢ ማኣርኮ ካር ካፓ ዓሶንታ፤ ጉቤና ጌኤዢ ማኣር ዛላ ማዓ ዓይጎ ማዶዎ ማዳ ዓሶይዳፓ ቢያ ጌኤራ ዒንሢ ዔካንዳያ ኮይሱዋሴ።

25 «ኔኤኒ ዒዘራ! ኔ ያኣዛሢ ኔኤም ዒንጌ ዔራቶጉዴያና ያኣዛሢ ዋጎና ዋይሣንዳ ዓሲ፣ ዔፕራዲሴኮ ዓባ ጌላ ባንዎና ዓኣ ዓጮ ዓሶ ዋይሣንዳ ዓሲና ጌኤሲያ ዔያቶም ጌሰታንዳ ዓሲ ደኦሬ፤ ሃሣ ዔሩዋ ዓሶማኣ ቢያ ኔ ያኣዛሢኮ ዋጎ ዔርዜ፤ 26 ይካፓ ያኣሲ ዋጎም ማዔቴ ካኣቲ ዋጎም ዓይሢንቱዋ ዓይጎ ዓሲያኣ ዓኣቲ ኮሺ ዛጊንቲ ሃይቃንዳጉዲ ሃንጎ ዓጫፓ ደውሲንታንዳጉዲ ሃንጎ ዒዘኮ ዓኣ ባካ ዓርቂ ዔኪንታዳጉዲ ዔይዔ ጌዔቴ ቱኤሲና ዋጊንቶንጎ» ጋዳያኩ።

ዒዘራ ያኣሲ ጋላቲሢ

27 ዓማና ዒዘራ፡- «ናንጊና ናንጎ ጎዳ ማዔ ኑ ዓደንሢ ያኣዛሢ ጋላቲንቶንጎ! ዩሩሳላሜይዳ ማዢንታ ያኣሲ ማኣር ካኣቲ ቦንቻንዳጉዲ ማሄሢ ዒዘኩ፤ 28 ያኣሲ ጌዔሢር ካኣቲንታ ዒዘኮ

ደንዘንታ ሃሣ ቢታንታ ዓኣ ዓሳ ታና ናሽኬኔ፤ ናንጊና ናንጋ ጎዳ ማዕፊ ታ ያኦዛሢ ታና ደዲሼሢሮ ዒሰራዔኤሌ ፃጸኮ ሱኡጋፓ ሚርጌሢ ታኣና ዋላ ቡኪ ዩሩሳላሜ ሙካንዳጉዲ ዞሪ ታኣኒ ዔያቶ ዔኤዒሳንዳጉዲ ታና ማሄኔ» ጌይ ያኦሲ ጋላቴኔ።

8

ዒዘራና ዋላ ደዒንቶ ቤዛፓ ማዕፊ ዓሶ

1 ካኣቲ ዓርፂክሲሴ ዎደና ባብሎኔ ዓጫፓ ታኣና ዋላ ኬሰኬ ፔቴ ፔቴ ማኣሮ ዓሶኮ ሱኡጎና ዔያቶና ዋላ ፃኣፒንቴ ዓሳ ሃካፓ ሊካ ዓኣ ዓሶኬ፡-

2-14 ፒንሃሴ ቶኦካፓ ጌርሾሜ፡ ዒታማሬ ቶኦካፓ ዳኣኔኤሌ

ዳውቴ ቶኦካፓ ሼካኒያ ናኣዚ ሃፁሼ

ፓርዖሼ ቶኦካፓ ዛካሪያሴ ማዓዛ፡ ዒዛ ማኣሮ ዓሶ ዛላፓ ማዕያ ፂኤታና ደንጊታሚ ማዓ ዓቲንቁ ፃኣፒንቴኔ፤

ፓሃትሞዓኣቤ ቶኦካፓ ዜራሄ ናኣዚ ዔልዌሆናዬ ላምዖ ፂኤታ ዓቲንቁና ዋላ

ዛቱ ቶኦካፓ ያሃዘዔኤሌ ናኣዚ ሼካኒያ ሃይሃ ፂኤታ ዓቲንቁና ዋላ ዓዲኔ ቶኦካፓ ዮናታኣኔ ናኣዚ ዔቤዳ ደንጊታሚ ዓቲንቁና ዋላ

ዔላኣሜ ቶኦካፓ ዓታሊያ ናኣዚ ዩሻዕያ ላንካይታሚ ዓቲንቁና ዋላ

ሼፓፂያ ቶኦካፓ ሚካዔኤሌ ናኣዚ ዛባዲያ ሳሊታሚ ዓቲንቁና ዋላ

ዒዮዓቤ ቶኦካፓ ዩሄዔኤሌ ናኣዚ ዓብዲዮ ላምዖ ፂኤታና ታጾ ሳሊ ዓቲንቁና ዋላ

ባኒ ቶኦካፓ ዮሲፒያ ናኣዚ ሼሎሚቴ ፂኤታና ላሂታሚ ዓቲንቁና ዋላ ቤባዬ ቶኦካፓ ቤባዬ ናኣዚ ዛካሪያሴ ላማታሚ ሳሊ ዓቲንቁና ዋላ

ዓዝጋኣዴ ቶኦካፓ ሃቃፃኔ ናኣዚ ዮሃናኔ ፂኤታና ታጾ ዓቲንቁና ዋላ ዓደኒቃሜ ቶኦካፓ ዔሊፔሌፃ፡ ዪዔኤሌንታ ሼማዒያንታ ላሂታሚ

ዓቲንቁና ዋላ፤ ዔያታ ጊንፃዲ ማዒ ሙኬኔ።

ቢግዋዬ ቶኦካፓ ዑታዬና ዛኩሬና ላንካይታሚ ዓቲንቁና ዋላ ማዕፊ።

ዒዘራ ጌኦዡ ማኣሮይዳ ማዳንዳ ሌዊ ዓሶ ዳንቁሢ

15 ታኣኒ ዒማና ዓሃዋ ካታሞ ባንሢ ዎታ ዎሮ ዓጫ ዓሶ ጉቤ ቡኩሴኔ፤ ዒኣካ ሃይሃ ኬሊ ኑ ዲንኪ ዳዔኔ፤ ዬያ ዓሶ ባኣካ ቁኤሶፓ ዓታዛ ሌዊ ዓሲ ባኣሢ ታ ዔሬኔ፤ 16 ዬያሮ ዔሊዔዜሬ፡ ዓሪዔኤሌ፡ ሼማዒያ፡ ዔልናኣታኔ፡ ያሪቤ፡ ዔልናኣታኣኔ፡ ናኣታኣኔ፡ ዛካሪያሴንታ ሜሹላሜ ጌይንታ ታዙጾ ሱኡጎሢንታ፤ ዬያጉዲ ሃሃ ዮያሪቤና ዔልናኣታኔ ጌይንታ ላምዖ ዔርዛዘንሢ ዔያቶ ባንሢ ታ ዳኬኔ። 17 ዔያቶ ታኣኒ ካሲፒያይዳ ናንጋ ዳሮኮ ሱኡጋሢ ማዕፊ።

ዒደ ባንሢ ዳኪ ዒደና ጌኤዠ ማኣሮይዳ ዒዛ ማኣዲ ማዳዘንሢ ጌኤዠ ማኣራ ማዳንዳ ዓሲ ኑም ዔያታ ዳካንዳጉዲ ኬኤዘም ታ ዔርዜኔ። 18 ያኦሲኮ ጳኤፖ ዋልቃ ኑኡና ዋላታሢሮ ዔያታ ኮሺ ዔራያ ማዔ፣ ማሂሊ ቶኦኪ ሸሬቢያ ጎዖ ሌዋ ዓሢ ኑም ዳኬኔ፤ ዒዚ ዒማና ዋሊ ዑፃ ታጳ ሳሊ ማዓ ዓቲንቄ ፔኤኮ ናኣቶና ጌርሲንሢና ዔኪ ኑ ኮራ ሙኩኔ። 19 ዬያጉዲ ሃሣ ማራሪ ቶኦካፓ ማዔ ሃሻቢያና ዬሻዒያ ጌይንታ ዓሲ ፓይዳ ላማታሚ ማዓ፣ ዔያቶኮ ዒጊኖና ዋላ ዔያታ ኑም ዳኬኔ። 20 ቃሲ ሃሣ ዔያቶኮ ቤርታኣ ዓደንሢ ሌዋ ዓሶ ማኣዳንዳጉዲ ካኣቲ ዳውቴና ዒዛኮ ደንዛ ደኦሬ፣ ማርጉማ ላምዖ ጄኤታና ላማታሚ ማዓ ዓሲ ጌኤዠ ማኣራ ማዳ ዓሶኬ፤ ዔያታኣ ፔኤኮ ሱንዖና ሱንዖና ፃኣፒንቴኔ።

ዒዘራ ዳር ሙኡዚ ሃሺ ሺኢቃንዳጉዲ ዓይሢሢ

21 ያኦሲ ኑ ዓኣዳ ጎይዖ ኮሻንዳጉዲና ኑናንታ ኑ ናኣቶንታም፤ ዬያጉዲ ሃሣ ኑ ባኮ ቢያ ዒ ካፓንዳጉዲ ዒዛኮ ቤርታ ኑ ቶኦኮ ሂርኪዲ ሺኢቃኒ ዒኣካ ዓሃዋ ዋሮ ዓጫ ሙዖ ሃሺ ሺኢቆ ሺኢጲዖ ሺኢቃንዳጉዲ ታ ዓይሢኔ። 22 ፔቴና ካኣቲ ዓርጄክሲሲም ታ ኬኤዘዖ፡- «ኦ ያኦዛሢ ዒዛ ጉሙርቃዘንሢ ቢያ ዓንጃኔ፤ ዒዛ ሃሻዘንሢዳ ጋዓንቴ ደዲ ሜቶ ዓጋኔ» ጌዔሢሮ ጎይፃኣ ኑና ሜታሳንዳ ሞርካፓ ካፓንዳጉዲ ፖኦሊሴንታ ፓራሢና ያላ ዓሲንታ ዒንጎም ካኣቲ ታኣኒ ያኦጩያታቶ ሄኤዶ ኑ ቦርሲንቴያ ናንዳኔ። 23 ዬያር ያኦሲ ኑና ፔኤር ካፓንዳጉዲ ሙኡዚ ሃሺሢ ዳምቤ ኩንሢ፣ ሙኡዚ ሃሺ ሺኢቆ ሺኢጲሢያ ኑ ሺኢቁም ዒዚ ኑ ሺኢጲዖ ዋይዜኔ።

ጌኤዠ ማኣሮም ዒንጊንቴ ባኮ

24 ዒማና ሱኡጎ ማዔ ቄኤሶንሢ ባኣካፓ ሸሬቢያ፣ ሃሻቢያንታ ሜሌ ታጳ ዓሲያኣ ታ ደኦሬኔ፤ 25 ዬካፓ ካኣቲንታ ዒዛ ዘራ ዓሶንታ ሃሣ ደንዘንታ፤ ዬያጉዲ ዒኣካ ዓኣ ዒሰራዔኤሌ ዓሳኣ ጌኤዠ ማኣሮ ማዠም ማዓንዳጉዲ ዒንጌ ቢሮንታ ዋርቆንታ ሜሌ ጌኤዠ ማኣሮይዳ ማዳንቶ ማሆዋ ጉቤ ዔቦኮ ዴኤሡም ዔር ባኮና ዛጊ ዔሪ ዬንሢ ቄኤሶንሢም ታ ዒንጌኔ።

26-27 ታኣኒ ዒንጌ ጌኤዠ ማኣሮ ባካ ሃካፓ ዴማ ዓኣ ጎይዖኩ፡-
 ላማታሚ ላምዖ ሺያ ኪሎ ማዓ ቢራ
 ሃይሦ ሺያና ያይዶ ጄኤታ ኪሎ ማዓ ቢራ ዓንጊና ኮሻና ሜሃ
 ሃይሦ ሺያና ያይዶ ጄኤታ ኪሎ ማዓ ዋርቄ
 ሳሊ ኪሎና ያይዶ ጄኤታ ጊራኣሜና ማዓ ዋርቄና ኮሻንቴ ላማታሚ
 ዔቴ ሳኣኔ

ዋርቆና ኮሺንቴ ዔቶ ሳኣኖና ዋላ ሄኮ ማዔያ ጌኤሺ ሞኦና ዓንገና ኮሺንቴ ላምዎ ዔቴ ሳኣኔ።

28 ዬካፓ ታ ዔያቶም፡- «ዓካሪ ዒንሢ ናንገና ናንጋ ጎዳ ማዔ ዒንሢኮ ቤርታኣ ዓዶንሢ ጾኣዛሢም ዲማዴያኮ፤ ዬያጉዲ ሃሣ ዓሳ ፔ ሸኔና ሺኢሹ፣ ዒንገሢ ማዔ ዒንገንቴ ቢሮና ዋርቆናይዳፓ ኮሺንቴ ማሃ ቢያ ዒዛም ዲማዴያኮ። 29 ዬያ ጌኤኸ ማኣሪ ሄለንዳኣና ዛገ ካፑዋቴ፤ ዒኢካ ቄኤሶም ጌይንቴ ቆልዎ ጋራ ሃንሢ ቢያ ዲማዴ ማሆንሢ ዴኤሡሞ ዔሮ ባኮና ዔሪ ቄኤሶና ሌዊ ዓሶናኮ ሱኡጎና፤ ዬያጉዲ ሃሣ ዬሩሳላሜይዳ ዓኣ ዴሮ ሱኡጎም ዒንጉዋቴ» ጌዔኔ። 30 ዬያሮ ቄኤሶና ሌዊ ዓሶና ቢሮንታ ዋርቆንታ፤ ሃንጎ ማሆ፣ ጾኢም ዲማዴሢ ዬሩሳላሜይዳ ጌኤኸ ማኣራ ጌሣኒ ዔኮኔ።

ዴሮኮ ዬሩሳላሜ ማዒያ

31 ኑ ዒማና ዓሃዋ ዋሮ ዓጫፓ ዔቂ ዬሩሳላሜ ዴንዲያ ዓርቄሢ ቤርታሳ ዓገና ጃኤሬ ታጳ ዶንጋሳ ኬሎናኮ፤ ኑ ዓኣዳ ዋዶና ኑ ጾኣዛሢ ኑኡና ዋላታሢሮ ካቲ ዴዒ ኑና ያላ ዓሶይዳፓ ዒ ኑና ካፔኔ።

32 ዬካፓ ዬሩሳላሜ ኑ ሄላዎ ዒኢካ ሃይሃ ኬሊ ሃውሺ ኑ ዴዔኔ፤

33 ያይዳሳ ኬሎና ጌኤኸ ማኣሪ ኑ ዴንዴኔ፤ ዒማና ዬያ ቢሮንታ ዋርቆንታ ዲማዴ ማሆ ቢያ ዴኤሡሞ ዔሮ ባኮና ዛገ ፀራሪና ናኣዚ፣ ቄኤሳሢ ማሬሞቴም ኑ ዒንጌኔ፤ ዒማና ፒንሃሴ ናኣዚ፣ ዔልዓዛሬና ዬያጉዲ ሃሣ ዮዛባዴ ጌይንታ ዒያሱናኣዚና ፍዒዲያ ጌይንታ ቢኑዬ ናኣዚያኣ ዒዛና ዋላ ዓኣኔ። 34 ቢያ ባካ ዒማ ኬሎና ፓይዲንቲ ዴኤሡሞ ዔሮ ባኮናኣ ዛገንቲ ዔርቲ ፒዜ ማዔ ጎይሢና ፃኣፒንቴኔ።

35 ዬካፓ ዬያታ ዲዒንቴ ቤዛፓ ማዔ ዴራ ቢያ ዒሰራዔኤሌ ጾኣዛሢም ሚቺ ዒንጎ ዒንገሢ ማዓ ባኣዚ ቢያ ዔኪ ሙኮኔ፤ ዬያይዲ ዒሰራዔኤሌ ዴሮ ጉቤሢ ሱንጾና ታጳ ላምዎ ዚያ ጌማይ፣ ታዘጲታሚ ላሆ ዓዴ ማራይና ላንካይታሚ ላንካይ ዓዴ ማራይና ሺኢሹኔ፤ ሃሣ ጎሞ ጌኤሺያ ዛሎኮ ታጳ ላምዎ ኮላይ ሺኢሹኔ፤ ዬይ ቢያ ናንገና ናንጋ ጎዳም ሚቺ ሺኢሹ ዒንገሢ ማዔኔ። 36 ካኣቲ ዔያቶም ፃኣፒ ዒንጌ ባኮ ዔፕራጂሴኮ ዓባ ጌላ ባንጾይዳ ዓኣ ዓጮ ዋይሣ ዓሶና ቢታንታ ዓኣ ዓሶናም ዔያታ ዒንጌኔ፤ ዔያታ ዴሮንታ ጾኢሲ ማኣሮ ማዶንታ ማኣዲ ፔቱም ዔርዜኔ።

9

ዓይሁዴቱዋ ላኣሎ ዔኮናሢ ዒዘራ ዔራሪሢ

1 ዬይ ባካ ጋፔሰካፓ ዒሰራዔኤሌ ዴሮ ሱኡጎኮ ፔቲ ፔቲ ዓሲ ታ ኮይላ ሙካዎ፡- «ዴሮንታ ቄኤሶንታ ሌዊ ዓሳኣ ዓቱዋዎ ዔያቶኮ

ዓሺኖይዳ ዓኣ ዓሞኦኔ፣ ሞዓኣቤንታ ገብጭንታይዳ ናንጋዘንሢና ዬያጉዲ ሃሣ ካኣናኔ ዓሶንታ ሂኢታ ዓሶንታ ፔርዜ ዓሶንታ ዒያቡሳ ዓሶንታ ዓሞራ ዓሶንታኮ ዒኢቲ ማዳፓ ፔና ዔያታ ካፒባኣሴ፤ ዬያ ማሌ ዓሳ ማዳ ሻኣካ ማዳ ቢያ ዔያታ ማዳኔ። 2 ዔያታ ዬያ ዓሶ ቶኦካፓ ፔኤሮ ላኣሊ ዔኪ፣ ሃሣ ዔያቶኮ ናኣቶሞ ዔያቶይዳፓ ዔኪሴኔ፤ ዲማዳ ዜርፆ ማሌ ዓሺኖ ዓጮ ዓሶና ሞላ ዔያታ ሲኢሬኔ፤ ዬያ ገቲቃይዳ ማዳኮ ቤርታዳ ዓሳ ሱኡጎና ቢታንታ ዓኣ ዓሶናኬ» ገይታኣሞ ኬኤዜኔ። 3 ታኣኒ ዬያ ሞይዛፆ ዲቃቲ፣ ታኣኮ ማኣዓሢንታ ዴኤፖ ኮኣቶሞ ዳርዜኔ፤ ሃሣ ታኣኮ ቶኦኮንታ ቡኡጮ ጋፓኖ ሞራ ማርገና ፆዩ ታ ዴዔኔ፤ 4 ዒሰራዔኤሌ ፆኦዛሢ ዲዒንታፓ ማዔ ዓሳ ማዳ ጎሞ ዛሎ ኬኤዜ ቃኣሎ ሞይዜዘንሢ ቢያ ዒገቹሞፓ ዔቋፆና ዲቃቲ ታ ኮይላ ሙኪ ቡኬኔ፤ ታኣኒያ ሳዓ ዒባናኣና ፆኦሲሞ ዒንጎ ዒንገያ ሺኢካ ሞዳ ሃላንዳኣና ማርገና ፆዩ ዲቃቲ ፔኤቄኔ፤

5 ዬይ ዒባናኣና ፆኦሲሞ ዒንጎ ባኮ ሺኢሾ ሞዳ ሃላዛ ታኣኒ ፆዩ ዴዔ ቤዛፓ ዔቄኔ፤ ታኣኮ ታ ዳርዜ ማኣዓሢያ ማይንቲ፣ ጉኡዞና ጉሞዓቲ ናንገና ናንጋ ጎዳ ማዔ ታ ፆኦዛሢ ባንሢ ኩጮ ዔቋሳፆ ሃዚ ገይ ታ ሺኢቄኔ፡- 6 «ታ ፆኦዛሢያ! ኦኡኮ ጎማ ኦኡፓ ዑሣ ዓኣዴሢሮና ኦኡኮ ዳቢንታ ጫሪንጮ ሃሊሢሮ ታ ዓኣፖ ካሮ ለካ ታ ፆኦዛሢ፣ ኔ ባንሢ ማሃኒ ታና ቦርሳኔ፤ ሃሣ ታ ዒገጫኔ። 7 ኦኡኮ ቤርታኣ ዓድንሢፓ ዓርቃፆ ሙኪ ሃኖ ሃላንዳኣና ኦኡኒ ኔኤኮ ዴራ ዴኤፒ ዳቢንቲ ማዳኔ፤ ኦኡኮ ጎሞ ማርገሞፓ ዔቋፆና ኦና ኔ ዴሮንታ ካኣቶንታ ቄኤሶንታ ማሌ ዓጮ ካኣቶ ኩጫ ኦ ሎኦማኔ፤ ዬያሮ ኦኡኒ ጩንቾ ዓፓሮና ሃይቄኔ፣ ኦኡኮ ቆላኣ ቡሪንቲኔ፤ ሃሣ ቱኡቲ ኦ ዲዒንቲያ ዔውቲኔ፤ ሃኣዛገ፣ ሃሢ ኦ ዓኣ ጎይፆ ጋፒንሢ ሃላንዳኣና ዳውሲንቲኔ። 8 ናንገና ናንጋ ጎዳ ማዔ ኦ ፆኦዛሢያ! ዓኣፖ ኦኡኮ ኔ ቡላኔ፤ ሃሢ ዳካ ሞዴሞ ኔ ቤርታ ኦ ቦንቺንቲ ዴንቄ፣ ኦ ገዳፓ ዛላ ዓሲ ዓይሎሞ ቃሞባራፓ ኬሰኪ ሃኖ ዲማዳ ዓጩሎይዳ ኮሺና ናንጋዳጉዲ ኔ ማሃኔ፤ ሞዚ ኦ ዓይሌ ማዔቲያ ዓኪ፣ ላኣሚንቲ ናንገ ኔ ኦሞ ዒንገኔ። 9 ኦኡኒ ዓይሌኬ፤ ጋዓንቲ ዓይሌ ማዔ ዒኢካ ዓታንዳጉዲ ኔ ኮዒባኣሴ፤ ኔኤኒ ፓርሴ ካኣታ ኦሞ ሚጨገታንዳጉዲና ኦ ናንጋ ዓይላታፓ ኬሰኪ ማና ቤርታ ሻሂንቲ ኔኤኮ ገኤኮ ማኣሮ ገንሣ ላሚ ኦ ማኣንዳጉዲ፣ ሃሣ ሃይካ ዪሁዳና ዬሩሳላሜናይዳ ኮሺና ኦ ናንጋንዳጉዲ ኔ ማሃኔ።

10 «ጋዓንቲ ኦ ፆኦዛሢያ! ሃኖ ሃላንዳኣና ማዔ ባኮሮ ቢያ ኦ ሞዚ ጋዓንዳይ? ሃሢያ ኦ ኔኤኮ ዓይሢያ ላሚ ሞይዘ ዒጭ፤ 11 ዬንሢ ዓይሢያንሢያ ኔኤኮ ማዳ ማዳ፣ ኔ ማሊያ ኬኤዛዘንሢ ዛሎና ኬኤዘንቲዘንሢ፤ ኔ ማሊያ ኬኤዛዘንሢ ሃያኮ ቤርታ፡- ዒንሢ

ጌሊ ዳካላንዳ ዓጩላ ዒሊቲ ባካፓ ቢያ ጌኤሺቱዋሴ፤ ዋይቲ ጌዔቲ ዒሊካ ናንጋ ዴራ ዓይፃፓ ጋፖ ሄላንዳኣና ሻኣካ ማዶና ቢያ ዓጩሎ ኩንሣኔ። 12 ዩያሮ ዒንሢኮ ዉዲሮ ናኣቶ ዔያቶኮ ዓቲንቆ ናኣቶም ዒንጊፖቲ፤ ጊንሣ ዒንሢኮ ዓቲንቆ ናኣቶ ዔያቶኮ ዉዲሮ ናኣቶ ዔኪሲፖቲ፤ ዓይጎ ዋዴናኣ ማፃም ዓጩሎይዳፓ ኮሺ ባኣዚ ዒንሣ ሙዒ፥ ዒንሢኮ ናኣቶም ናንጊና ማዓ ቤሲ ማሂ ዳካላሳኒ ዓይጎ ዋዴናኣ ዔያቶና ዋላ ጊኣጊ ጫኣቂፖቲ፤ ጌይ ኦም ኬኤዜኔ። 13 ኦና ሄሌ ሜታሢ ኦኡኮ ፑርቶ ማዶና ኦ ዳቢንቶና ዘላናኬ፤ ጋዓንቲ ኔኤኒ፥ ኦ ያኦዛሢ ኦና ሜታሴ ሜታ ኦ ዔካኒ ኮይሳሢፓ ዳካኬ፤ ዩያ ለሌቲዋንቲ ባይሲንታፓ ኦ ቶሊ ሸምፔና ኦ ናንጋንዳጉዲ ኔ ማሃሢ ኦ ዔራኔ። 14 ዓካሪ ዋዲ ጊንሣ ኦ ኔ ዓይሢያ ሃሺ ሃንሣ ዋይዘ ዒፃ ዴርንሢና ዋሊ ኦ ዔኮንዶይ? ኦኡኒ ዩያ ማዶቶ ኔ ዳጋዲ ጋፒንሢ ሄላንዳኣ ኦና ኔ ባይዛንዳኔ፤ ፔቲ ዓሲታዎ ሸምፔና ኔ ዓይሳዓኬ። 15 ናንጊና ናንጋ ጎዳ ማዔ ዒሰራዔኤሌ ያኦዛሢያ! ኔኤኒ ጎኦምና ዋጋያኬ፤ ጋዓንቲ ባይሲንታፓ ኦ ቶሊ ሸምፔና ዓታንዳጉዲ ኔ ማሃኔ፤ ዓካሪ ኦኡኒ ኦኡኮ ጎም ኔ ቤርታ ቡኡፃኔ፤ ኦኡኒ ኔ ቤርቶ ሺኣካኒ ዳንዳዓ ዓሲቱዋሴ።»

10

ሜሌ ዓሶና ዋሊ ዔኩዋጉዲ ላኣጋኒ ኬሲንቲ ዎጌ

1 ዒዘራ ጌኤዦ ማኣርኮ ቤርቶ ዘላ ያኦሲ ሸኢቃኒ ጉምዓታዎ ዩኤኪ ዩኤኪ ማዲንቲ ጎም ቢያ ያኦሲም ቡኡፃ ዎዶና ዓቲንቆንታ ላኣሎንታ ናኣታኣ ዓቲዋዎ ፓይዳ ሚርጌ ማዔ ዒሰራዔኤሌ ዓሲ ፔቲምና ዒዛ ኮይላ ሙኪ ቡኪ ዒኔ ሜቁ ዩኤካኔ። 2 ዒማና ዔላኣሜ ቶኦካፓ ዩሃዔኤሌ ናኣዚ ሸካኒያ ዒዘራም፡- «ጎኔና ኦኡኒ ኦ ዓሺኖይዳ ዓኣ ሜሌ ዓሶይዳፓ ላኣሎ ዔኪያና ያኦሲዳ ኦኡኮ ዓኣ ጉሙርቂንቲያ ኦ ፓጨሴኔ፤ ዩይ ቢያ ማዔቲያ ሃሢ ዒሰራዔኤሌ ዓሶም ሃጊ ማዓንዳ ዋዛ ዓኣኔ። 3 ሃሢ ዩንሢ ሜሌ ዓሶይዳፓ ኦ ዔኬ ላኣሎ ዔያቶኮ ናኣቶና ዋላ ዓንጀንዳያ ኦና ኮይሳሢ ኦ ያኦዛሢም ኦ ጫኣቆም፤ ኔናንታ ኦ ያኦዛሢኮ ዎጎ ቦንቻ ሜሌ ዓሶንታ ኦና ዘራ ዘር ቢያ ኦ ማዲ ከንሣንዳኔ፤ ሃሢ ያኦሲኮ ዎጋኣ ዓይሣሢ ቢያ ኦ ማዲ ከንሣንዳኔ፤ 4 ዩያ ቢያ ማዲሲ ኦና ከንሢሳንዳሢ ኔናታሢር ዔቁ፤ ኦኡኒ ኔና ማኣዳንዳኔ፤ ዒጊጨፖ፥ ዶዴ» ጌዔኔ። 5 ዩያሮ ዒዘራ ቁኤሶንታ ሌዊ ዓሶንታ ሃሣ ዴርኮ ሱኡጋ ዩይ ሸካኒያ ሺኣሺ ማሊያ ዔኬያ ማዒያ ጫኣቂሴሰካፓ ማዶ ዓርቁኔ።

9:12 9:12 ኬሲ. ማፃ 34:11-16፤ ላሚ. ዎማ 7:1-5።

6 ዩካፓ ዒዘራ ጌኤዠ ማኣሮኮ ቤርቶ ዛላ ዓኣ ቤዛፓ ዔቁ ዔሊያሺቤ ናኣዚ ዮሃናኔ ናጎጋ ቆልፖንሢ ጋሮ ጌሌኔ፤ ዲዒንቴዘንሢ ጉሙርቁንቴፖ ፓጪሲሢና ማዴ ደቢንቶና ቢያ ዒ ፖዪ ፖዪ ዬኖ ዋንቶ ዒኢካ ዋርቁኔ፤ ዒማና ዒ ካሣንጎታ ዋኣሢያ ካኣሚባኣሴ።

7 ዲዒንቶይዳፓ ማዔዘንሢ ቢያ ዬሩሳላሚይዳ ቡኪንጎንዳጉዲ ዬሩሳላሚና ዪሁዳ ዓጮናይዳ ቢያ ኬኤዚንቴኔ። 8 ዬይ ቢያ ዳሮ ሱኡጋ ዘሬ ዘሮና ዓይሢያና ማዲንቴያኬ፤ ሃይሃ ኬሊዳ ዬያ ቡኪንቶ ሙካኒ ዳንዳዒባኣ ዓይጎ ዓሲያ ዓኣቶ ዒዛኮ ዓኣ ባካ ቢያ ዓርቁንቴ ዔውጎንዳጉዲና ዲዒንጎፓ ማዔ ዓሶኮ ፔቱማፓ ኬሰካንዳጉዲ ኬኤዚንቴኔ። 9 ዬይ ዒኤሊፃ ዳኪንቴሢዳፓ ሃይሃ ኬሊዳ ዪሁዳና ቢኢኒያሚ ዓጮናይዳ ናጎጋ ዓሳ ቢያ ታዘጳጎ ዓገና ጃኤሬ ላማታማሶ ዓሶና ዬሩሳላሚ ሙኪ ጌኤዠ ማኣሮኮ ዓሳ ቡካ ጳኣካ ቡኪንቴኔ፤ ዓማና ኮሺ ፑኡፒ ዒርዚ ዋርቁኔ፤ ያዲታቶዋ ቡኪንቴላ ኮሺ ኮይሳያታሢሮ ፔቱ ፔቱ ዓሳ ጪኢዠና ጎጋይቁ ጎጋይቁ ዋይዛኔ።

10 ቁኤሳሢ ዒዘራ ዔቃፖ፡- «ዒንሢ ዒንሢኮ ጉሙርቁንቴፖ ፓጪሲ ጳዴኔ፤ ማሌ ዓሶይዳፓ ላኣሎ ዒንሢ ዔኬሢሢር ዒሰራዔኤሌይዳ ደቢንቴኮ ጋሌ ዒንሢ ዔኪ ዬዔኔ። 11 ዓካሪ ሃካፓ ሱካ ናጎገና ናጎጋ ጎዳ ማዔ ዒንሢኮ ቤርታኣ ዓድንሢ ፆኣዛሢ ቤርታ ዒንሢኮ ጎሞ ቢያ ቡኡጸዋቱ፤ ዒዛ ዋዛሳ ባኣዚ ቢያ ማዲዋቱ፤ ኑ ዓጮይዳ ናጎጋ ማሌ ዓሶይዳፓ ቢያ ዲማዲዋቱ፤ ዒንሢ ዔኬ፤ ማሌ ዓሶ ማዔ ላኣሎ ኬሱዋቱ» ጌዔኔ።

12 ዬያሮ ዬይ ቡኪንቴ ዓሳ ዴግ ጌዔ ዑኡሲና፡- «ኔኤኒ ጋዓ ባኮ ቢያ ኑኡኒ ማዲንዳኔ!» ጌዔኔ። 13 ላሚ ሃሣ ኬኤዛፖ፡- «ሃሢ ሃይካ ቡኬ ዳራ ሚርጌኬ፤ ዬያይዳ ሃሢ ዴኤፒ ዒርዚያ ዋርቁ ዋርቁኬ፤ ሃይካ ማኣሪባኣ ቤሰካ ዔቃኒ ኑ ዳንዳዒባኣሴ፤ ዬያ ጎሞና ቱርጲንቴ ዓሳ ኑ ሚርጌታሢሮ ሃያ ባኮ ቢያ ፔቱና ላሞፖ ኬሊናይዳ ማዲ ጋፒሳኒ ኑሞ ዳንዳዒንቴዋሴ። 14 ዬያሮ ኑኡኮ ሱኡጋ ሃይካ ዬሩሳላሚይዳ ዬኖ ጌኤዘሎ ኮሺ ዛጊ ጌሰቶንጎ፤ ዩካፓ ማሌ ዓሶ ማዔ ላኣሎ ዔኬ ዓሶ ቢያ ፔቱ ፔቱሢሞ ዓይሢንጎ ኬሎማና ዒ ናጎጋ ካታሞ ሱኡጎና ዋጎ ዋጋ ዓሶና ዋላ ሙኪ ሙኪ ፔጊዳ ዓሳና ባኮ ዔኮንጎ፤ ፆኣሲ ዳጎዴ ባኮ ዛሎ ኑ ዬያይዳቱ ጎሪንጎ ሺማንዳኔ» ጌዔኔ። 15 ዬይ ኬኤዚንቴ ዋዶና ማሹላሚና ሊዊ ዓሢ ሻቤታዬና ዔያቶኮ ማሊፖ ቃራኬ ጌዔ፤ ዓሳሄሌ ናኣዚ ዮናታኣኔና ቲቁዋ ናኣዚ ያህዜያፓ ዓታዛ ማሌ ዒዲ ማኬ ዓሲ ባኣሴ።

16 ዲዒንጎፓ ማዔ ዓሳ ቢያ ዬኖ ማሊጄሎና ዔኤዒ ጊኢጌኔ፤ ዬያሮ ቁኤሳሢ፤ ዒዘራ ቶኣኮ ቶኣኮኮ ሱኡጎ ባኣካፓ ኬሲ ማዲሻንዳ ዓሲ ዶኦሪ ሱንፖ ዋሊ ሄሊሲ ፃኣፒ ጌሣኔ፤ ዔያታ ታጳሳ ዓገና

ጭሬ፡ በርታሳ ዓቦና ማሌ ላኣሎ ዔኬ ዓሶ ሃይሶ ገሰቲሢ ዓርቄ።
17 ዩካፓ ሄሊሴ ዓገኖኮ በርታሳ ከሎ ማሌ ላኣሎ ዔኬ ዓሶ ሃይሶ
ጉቤ ገሰቲ ጋፒሴ።

ማሌ ዓሶ ዜርጾፓ ላኣሎ ዔኬ ዓሶ ሱንጾ

18 ማሌ ዓሶ ዜርጾፓ ላኣሎ ዔኬ ዓሶኮ ሱንጾ ሃካፓ ዴማ ዓኣ ጎይጾኬ፡-

ፔኤኮ ቶኦኮና ቶኦኮና ፃኣፒንቴ ቄኤሶ

ዒዮጭቄ ናኣቶ ማዔ ዒያሱና ዒዛኮ ገርሲንሢ ቶኦካፓ ከሰከዞንሢ፡- ማዕሴያ፡ ዔሊዔዜሬ፡ ያሪቤና ገዳሊያና፤ 19 ዔያታ ፔኤኮ ላኣሎ ዓንጂ ዳካኒ ጫኣቄሰካፓ ዔያቶኮ ጎሞ ገኤሺጾም ማዓ ፔቲ ዓዴ ማራይ ሚቶ ዒንጎ ዒንገሢ ማሃ ሺኢሼኔ።

20 ዒሚሬ ቶኦካፓ፡- ሃናኒና ዜባድያና

21 ሃሪሚ ቶኦካፓ፡- ማዕሴያሄ፡ ዔሊያሴ፡ ሺማዒያ፡ ዩሃዔኤሌንታ ዑዚያንታ፤

22 ፓሽሁሬ ቶኦካፓ፡- ዔልዮዔናዬ፡ ማዕሴያ፡ ዒሰማዔኤሌ፡ ናትናዔኤሌ፡ ዮዛባዴና ዔልዓሳና፤

23 ሌዊ ዓሶ ፃጳፓ፡-

ዮዛባዴ፡ ሺምዒ፡ ቄሊፃ ገይንታ ቄላያ፡ ፔታህያ፡ ዪሁዳና ዔሊዔዜሬና፤

24 ጾኦሲ ቦንቾም ዓይኑም ዓይናዳ ዓሶ ፃጳፓ፡-

ዔሊያሺቤ

ገኤዡ ማኣር ካፓ ዓሶ ፃጳፓ

ሻሉሚ፡ ጭሚና ዑሪና፤

25 ሃንጎ ዒሰራዔኤሌ ዓሶኮ፡-

ፓርጾሺ ቶኦካፓ፡- ራሚያ፡ ዪዚያ፡ ማልኪያ፡ ሚያሚኔ፡ ዓላዜሬ፡ ማልኪያና ቤናያና፤

26 ዔላኣሚ ቶኦካፓ፡- ማታኒያ፡ ዛካሪያሴ፡ ዩሃዔኤሌ፡ ዓብዲ፡ ዩሬሞቲና ዔሊያና፤

27 ዛቱ ቶኦካፓ፡- ዔልዮዔናዬ፡ ዔሊያሺቤ፡ ማታኒያ፡ ዩሬሞቲ፡ ዜባዴና ዓዚዛና፤

28 ቤባዬ ቶኦካፓ፡- ዮሆናኔ፡ ሃናኒያ፡ ዛባዬና ዓትላዬና፤

29 ባኒ ቶኦካፓ፡- ሚሹላሚ፡ ማሉኬ፡ ዓዲያ፡ ያሹቤ፡ ሺዓሌና ዩሬሞቲና፤

30 ፓሃትሞዓኣቤ ቶኦካፓ፡- ዓድና፡ ኬላሌ፡ ቤናያ፡ ማዕሴያ፡ ማታኒያ፡ ቤፃልዔኤሌ፡ ቤኑዬና ሚናኣሴና፤

31-32 ሃሪሜ ቶኦካፓ፡- ዒሊዒዘሬ፡ ዪሺያ፡ ማልኪያ፡ ሽማዒያ፡ ሲሞኦኔ፡ ቢኢኒያሜ፡ ማሉኬና ሽማሪያና፤

33 ሃሹሜ ቶኦካፓ፡- ማታናዬ፡ ማታታ፡ ዛባዴ፡ ዒሊፔሌዳ፡ ዬሬማዬ፡ ሚናኣሴና ሺሞዒና፤

34-37 ባኒ ቶኦካፓ፡- ሜዕዳዬ፡ ዓሞራሜ፡ ዑዒኤሌ፡ ቤናያ፡ ቤድያ፡ ኬሉሂ፡ ዋኒያ፡ ሜሬሞቴ፡ ዒሊያሺቤ፡ ማታኒያ፡ ማትናዬና ያዕሱና፤

38-42 ቢኦዬ ቶኦካፓ፡- ሺሞዒ፡ ሽሌሞያ፡ ናኣታኒ፡ ዓዳያ፡ ማክናዳባዬ፡ ሽሻዬ፡ ሻራዬ፡ ዓዛርዒኤሌ፡ ሽሌሚያ፡ ሽማሪያ፡ ሻሉሜ፡ ዓማሪያና ዮሴፔና፤

43 ኔቦ ቶኦካፓ፡- ዬዒዒኤሌ፡ ማቲቴያ፡ ዛባዴ፡ ዜቢና፡ ያዳዬ፡ ዒዩዒኤሌና ቤናያና፤

44 ዬይ ዓሳ ቢያ ሜሌ ፃጳፓ ላኣሎ ዒኬ ዓሶኬ፤ ዒያታ ዒኬ ሜሌ ፃጳ ላኣሎ ቢያ ዓንጂ ዒያቶኮ ናኣቶና ዎላ ዳኬኔ።

ጌሌዥ ማግኔግ

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929